

Hitesranjan Sanyal Memorial Collection
Centre for Studies in Social Sciences, Calcutta

Record No.	CSS 2000/131	Place of Publication:	Calcutta
		Year:	1857
		Language	Bangla
Collection:	Indranath Majumder	Publisher:	Vernacular Literature Committee; printed at the Tattobodhini Press by Anandachandra Vedantabagish.
Author/ Editor:	Madhusudan Mukhopadhyay (tr.)	Size:	9.5x16cms.
		Condition:	Brittle
Title:	Marmet: Matsyanarir Upakshyan	Remarks:	Garhyasthya Bangla Pustak Sangraha (Bengali Family Library) translated from English.

৮
BENGALI FAMILY LIBRARY.
বাহ্য বাঙ্গালী পুস্তক সঙ্গ্রহ।

মরমেত।

অর্থৎ.

মৎশ্রনারীর উপাখ্যান।

শ্রীযুক্ত মধুসূদন মুখোপাধ্যায়

কর্তৃক

ইংরাজী ভাষা হইতে

অনুবাদিত।

CALCUTTA.

PRINTED FOR THE VERNACULAR LITERATURE
COMMITTEE,

By Anund chunder Vedantuvagees.

AT THE TUTTODHINEE PRESS.

1857.

Price ৩ Pice. মূল্য ৩ পয়সা।

অপ্প বয়স্ক মরমেত অর্থাৎ মৎস্য
নারীর বিষয়।

সমুদ্রের অতি দূরস্থিত যে জল, তাহা চনকাদি
শস্য ক্ষেত্রের ন্যায় নীল বর্ণ, এবং স্ফটিকবৎ নি-
র্মল। উহা অতলস্পর্শ, অর্থাৎ এমত গভীর, যে অতি
দীর্ঘ রজ্জুতে প্রস্তর বন্ধন করিয়া নিক্ষেপ করিলে
তাহা উহার তলায় নিমগ্ন হইতে পারে না। উহার
অধোভাগে একটি মন্দির নির্মাণ করিয়া তচ্ছূড়াতে
আর একটি, ক্রমশঃ এই রূপ উপযুক্তপরি সহস্র
সহস্র মন্দির নির্মাণ করিলেও পৃথকোক্ত সমুদ্রের
উপরি ভাগকে স্পর্শ করিতে পারে না। ইহাই
মৎস্য নরের বাসস্থান *।

* পাঠক মহাশয় দিগের প্রতি নিবেদন এই, যেন তাঁ-
হার পাঠকালীন এবিষয়টি কোন মতে যথার্থ বোধ না
করেন, কেন না ইহা সম্পূর্ণ কল্পিত বিষয়। সমুদ্রের অ-
ধোভাগে মৎস্য নর, বা কোন প্রকার পশু বাস করে না।
এস্থলে অট্টালিকা উদ্যান প্রভৃতি যে সকল বিষয়ের বর্ণনা
আছে, তাহারও কিছুমাত্র তথ্য নাই। কিন্তু বর্ণন কৌশলের
যে এক বিশেষ মর্ম এবং তাৎপর্য আছে, এই উপাখ্যান
আদ্যোপান্ত পাঠ করিলে বুদ্ধিমান পাঠক দিগের তাহা
উপলব্ধি হইতে পারিবে।

(২)

সমুদ্রের নিম্ন ভাগটা যে কেবল খেত বর্ণ বর্ণিত। রাজমহিষী দিগের গলদেশস্থ মুক্তার মালা-
লুকায় স্থান, এমত বিবেচনা কখনই কর্তব্যতও তেমন মুক্তা নাই।
নহে। তদ্রূপ ভূমি সকলের মধ্যে এমত আশ্চর্য্য সমুদ্রবাসী মহারাজার স্ত্রী বিয়োগ হওয়াতে
আশ্চর্য্য বৃক্ষ লতাাদি ও পুষ্প সকল জন্মায়। অনেক কাল অর্ধি তিনি বিবাহ করেন নাই,
এবং তাহাদের পত্র ও বোঁটা গুলীন এমত নমনীয় পাত্রীয় সমুদায় গৃহ কর্মের তার তাঁহার বুদ্ধা মাতার
যে মদোন্নত লোক দিগের ন্যায় অভ্যঙ্গ সমুদ্র উপরে অর্পিত ছিল। তিনি যথা নিয়মে কর্ম
দ্রের হিল্লালে তাহার রক্তিম বর্ণ হইয়া আলো নিরূপ করিয়া সকল বিষয়ে কতু হইয়া ছিলেন।
ডিত হইতে থাকে। তিনি অতিশয় বুদ্ধিমতী হইলেও সঙ্কট জাতা

(৩)

পৃথিবীস্থ বৃক্ষ গণের শাখোপরি যেমন পক্ষীর জ্ঞান হইবার নিমিত্ত অত্যন্ত অভিমানিনী হইয়া
এক ডাল হইতে অন্য ডালে গিয়া নানা প্রকার চিহ্ন স্বরূপ আপন লাঙ্গুল মধ্যে দ্বাদশটা কস্তুরা
কেলী করিয়া বেড়ায়, তদ্রূপিত বৃক্ষ গণের উপধারণ করিতেন। ভিন্নবাসী আর আর ভদ্র লোকে
রিভাগে মৎস্যেরাও সেই রূপ করিয়া থাকে। তদ্রূপ ছয় টা কস্তুরার অধিক ধারণ করিতে পারিত না।
বালুকায় মধ্যে যে স্থানটি অতি গভীর, সেই স্থান কস্তুরার সকল বিষয়েই রাজমাতা প্রশংসনী-
নই সমুদ্রবাসী মহারাজের বাস স্থান। আহা! এয়া ছিলেন, বিশেষতঃ তাঁহার পৌত্রী অভ্যঙ্গ বয়স্ক
রাজ প্রাসাদের শোভার কথা কি বচিব, তাহার রাজ কন্যা দিগের প্রতি তাঁহার অতিশয় অনুরাগ
প্রবাল নির্মিত প্রাচীর, এবং সুদীর্ঘ জানাল ছিল। রাজার ছয় কন্যা, ছয়টিই সুন্দরী; কিন্তু
সকল চন্দ্ররূষ অমরাদি গন্ধদ্রব্য দ্বারা নির্মিত, কনিষ্ঠাটি সর্কাপেক্ষা পরম রূপসী ছিল। গোলাপ
নানা প্রকার কস্তুরা দ্বারা ঐ বাটার ছাদ প্রস্তুত, পুষ্পের পাৰ্শ্বিৎসু রূপ কোমল এবং নির্মল হ-
ইয়াছে, সমুদ্র জলের বেগানুসারে ঐ ক- ইয়া থাকে, তাহার চর্ম ও সেই রূপ কোমল এবং
স্তুরা কখন খোলা থাকে, কখন বা বন্ধ হইয়া নির্মল ছিল। অতি গভীর সমুদ্রের জল যে-
যায়। আহা! তাহার কি সৌন্দর্য্য প্রত্যেক কপ নীলবর্ণ হয়, তাহার চক্ষু দ্বয়ও সেই রূপ
কস্তুরার ভিতরে এক একটা মুক্তা শোভিত আছে, নীল বর্ণ ছিল, কেবল অন্যান্য রাজবালাদিগের
সে আবার সামান্য মুক্তা নহে, পৃথিবীস্থ অতি ন্যায় তাহার পাদ দ্বয় ছিল না, তাহার শরীরের

(৪)

অধোভাগটি মৎস্য পুঙ্কের ন্যায় ছিল।

ঐ রাজ কুমারী গণ রাজ বাটার বিস্তারিত
কুঠরী সকলের মধ্যে সমস্ত দিনই ক্রীড়া করিয়া
বেড়াইত, কেহ তাহাতে প্রতিবন্ধক হইত না।
সেই কুঠরীর প্রাচীর মধ্যে উত্তমোত্তম পুষ্প ছিল।
আমরা যেমন জানালা খুলিয়া রাখিলে চড়া-
ই পক্ষীরা আমাদের গৃহ মধ্যে প্রবেশ করে,
সেই রূপ মৎস্যেরাও প্রবাল নির্মিত দ্বার দিয়া
তাহাদের গৃহ মধ্যে সস্তরণ করিয়া বেড়াইত।
চড়াই পক্ষীগণ আমাদের ঘরের তিভরে
প্রবেশ করত যেরূপ চাউল ধান্য প্রভৃতি শস্য
আহার করিয়া পলায়, নিকটে আইসে না।
মৎস্যেরা সেরূপ করিত না, তাহারা চিৎসাজ
রাজতনয়া দিগের জোড় পর্যন্ত গমন করি-
য়া তাহাদের হস্ত মধ্যে যে সকল খাদ্য সামগ্রী
থাকিত, তাহাই ভক্ষণ করিত। রাজ কন্যারা তা-
হাদের পৃষ্ঠ দেশে হস্ত বুলাইয়া দিলেও তাহারা
কিছু ভয় পাইত না।

রাজ বাটার সম্মুখ ভাগেই একটা প্রকাণ্ড
উদ্যান ছিল, তন্মধ্যে লাল এবং নীলবর্ণের গাছ
ছিল, তাহাতে যে সকল ফল ফলে, তাহা স্বর্ণবৎ
অর্থাৎ কাঁচা হরিদ্রা বর্ণ, বাক্ মক্ করিয়া থাকে।
মুকুল গুলীন অগ্নি স্কুলিঞ্জের ন্যায় দেদীপ্যমান,

(৫)

দাঁটা এবং পত্র গুলীন সর্কদা বন বন শব্দ
করিতে থাকে, ভূমির উপরিভাগটা মুকোম-
ল বালুকা দ্বারা আচ্ছাদিত আছে বটে, কিন্তু
গন্ধক জ্বলাইলে তাহার শিখা যেরূপ নীল বর্ণ
হয়, ঐ বালি সেই রূপ নীল বর্ণ ও সমুদায় আ-
কাশ মণ্ডলও বিশেষ এক প্রকার নীলবর্ণ দ্বারা
আচ্ছাদিত আছে, অতএব তাহারা যদি ঐ সমু-
দ্রের অধোভাগে গমন করিয়া চতুর্দিকস্থ বস্ত্র স-
কলের প্রতি দৃষ্টিপাত করে, তবে জলের অধো-
দেশে আছি এমন বোধ করিতে পারে না, নীচে
নীলবর্ণ এবং উপরেও নীলবর্ণ দেখিয়া তাহাদের
বোধ হয়, যেন আমরা অতি উর্দ্ধে শূন্য মার্গে
ভ্রম করিয়া বেড়াইতেছি, আমাদের উপরি ও অ-
ধোভাগে নীলাক্ত মেঘ সকল রহিয়াছে। তাহারা
দেখে যেন দিনকর একটি রক্ত কমলের ন্যায়,
উহার পুষ্প কোষ হইতে অল্প অল্প আভা বাহির
হইতেছে।

প্রত্যেক রাজকন্যারই উদ্যান মধ্যে এক একটু
ক্ষেত্র নির্দিষ্ট ছিল, তাহাতে খনন অথবা বীজ
রোপণ যে বাহা ইচ্ছা করিত, তাহাই করিতে পা-
রিত। একদা একজন আমার রোপিত বৃক্ষের ফুল
সকলের আকার যেন তিমি মৎস্যের ন্যায় হয়,
ইহা বলিয়া বীজ রোপণ করিল, আর একজন

(৬)

মৎস্য নারীর আকারকে শ্রেষ্ঠ বোধ করিয়া তাহাই মনে করিয়া আপনার বীজ গুলীন রোপণ করিল, সর্ব কনিষ্ঠা রাজকন্যা আপনার ক্ষেত্র মধ্যে সূর্যমণ্ডলের ন্যায় একটা গোলাকার করিয়া তাহাতে রক্ত বর্ণ ফুল ফুটে এমত বীজ রোপণ করিল, কারণ সমুদ্রের তিতরে থাকিয়া সে সূর্যকে রক্ত বর্ণ দেখিয়া ছিল। ঐ বালিকার চরিত্র আর আর রাজ বাল্যদিগের ন্যায় নহে। সে অতি ধীরা এবং বুদ্ধিমতী ছিল, অন্যান্য ভগিনীদিগের ন্যায়, সে কোন আশ্চর্য বস্তু প্রাপ্ত হইলে অতিশয় আত্মাদিতা হইত না। জাহাজ ভগ্ন হইলে যে সকল বস্তু সমুদ্র জলে নিমগ্ন হইয়া যায়, তর্কের কখন দেখে নাই বলিয়া ঐ সকল বস্তুকে তাহার আশ্চর্য বোধ করিত, কনিষ্ঠা রাজকন্যা আকাশস্থ সূর্যের ন্যায়, আপনার রক্ত বর্ণ ফুল সকল লইয়া সর্বদা আমোদ প্রমোদ করিত। একবার একখান জাহাজ চড়ায় লাগিয়া ভগ্ন হওয়াতে তাহার মধ্যস্থিত এক যুবাপুরুষের স্বেতবর্ণ প্রস্তরে খোদা একটি প্রতিমূর্তি ঐ সমুদ্র জলে নিমগ্ন হইয়া যায়, ঐ প্রতিমূর্তি খানি পরপরপসী কনিষ্ঠা রাজকন্যার নিকটে ছিল। ঐ প্রতিমূর্তি ব্যতিরেকে সে আর কিছুই চাহিত না। উহারই প্রতি তাহার অত্যন্ত প্রদ্বা ছিল।

(৭)

বালিকা নিজে সমুদ্রে বাসিনী অতএব পৃথিবীর উপরিস্থিত জীব জন্তু ও আর আর বস্তু বিষয়ক বিবরণ শুনিতে অত্যন্ত ভাল বাসিত, পিতামহীকে প্রেমভাবে সর্বদা জিজ্ঞাসা করিত, দিদি! তুমি জাহাজ, নগর, লোক এবং জন্তু বিষয়ে যাহা যাহা জান তাহা আমাকে বল। এই কথাতে রাজমাতা বলিলেন, পৃথিবীস্থ পুষ্পগণ হইতে নানা প্রকার রমণীয় সৌরভ নির্গত হয়, ইহা শুনিয়া রাজবাল্য তথাকার ফুল সকল অবশ্যই পরম সুন্দর হইবে, এই বিবেচনাতে তাহাদের কতই বা প্রশংসা করিল। আর সমুদ্রের অধোভাগস্থ ফুল হইতে সদৃশ বাহির হয় না। বলিয়া মনে মনে কতই দুঃখ করিত। তাহার পিতামহী আরও বলিলেন যে তত্রস্থ অরণ্য সকল হরিদ্বর্ণ, তন্নিবাসী মৎস্যেরা * এমনি মধুর স্বরে গীত গায় যে তাহা শুনিয়া পাষণ চিত্ত মানবের মন আর্জ হইয়া উঠে। তুমি পনেরো

* যদি পাঠক মহাশয়েরা সন্দেহ করিয়া মনে কিছু তর্ক করেন, পৃথিবীস্থ মৎস্যেরা কি রূপে গীত গাইতে পারে? এই হেতু বিবেচনা করিতে হইবে যে সমুদ্রের অধঃস্থিত লোকেরা মৎস্য ব্যতীত অন্য কিছুই জানে না, এজন্য রাজকন্যার পিতামহী এই স্থলে পক্ষীকে মৎস্য রূপে বর্ণনা করিয়াছেন। তাহা না করিলে ঐ অল্প বয়স্ক বালিকা তাহার কথা বুঝিতে পারিবে না।

(৮)

বৎসর বয়স্ক। হইলে তোমার পিতা তোমাকে সমুদ্রে হইতে বাহির হইয়া উপরে উঠিতে আজ্ঞা করিবেন, তাহা হইলেই তুমি অনায়াসে কোন চড়ার উপর বসিয়া জ্যেৎস্না কালীন যখন প্রকাণ্ড বৃহৎ বৃহৎ জাহাজ সকল তোমার নিকট দিয়া গমনাগমন করিবে, তাহা দেখিয়া তুমি উল্লসিত হইবে। আর সেই সময়ে পৃথিবীর মধ্যে যে যে নগর ও বন আছে, তাহাও দেখিতে পাইবে।

পর বৎসরে তাহাদের একটি ভগিনী অর্থাৎ সর্ব জ্যেষ্ঠা পনের বৎসর বয়স্ক হইবে, তাহার মধ্যমা ভগিনী তাহা হইতে এক বৎসরের ছোট ভূ-ভীয়াটি আবার দ্বিতীয়া হইতে বয়সে এক বৎসর ন্যূন, এমতে আর অন্য দুটি ঐরূপ বয়সে এক এক বৎসরের ন্যূন ছিল। অতএব পাঁচ বৎসর বিলম্ব না করিলে সর্ব কনিষ্ঠা রাজকন্যা সাগরের অধোভাগ হইতে বাহির হইয়া আমাদের এ পৃথিবী কি প্রকার তাহা দেখিতে পাইবে না। যাহা হউক জ্যেষ্ঠা ভগিনীর পালা উপস্থিত হইলে, সে অন্য কন্যার নিকট স্বীকার করিল, আমি প্রথম দিবস জলের উপরি ভাগে গমন করিয়া যে যে সুন্দর সুন্দর বস্তু দর্শন করিব, তথা হইতে প্রত্যাগমন করিয়া সে সকল বিষয় আমি অবিকল তোমাদের নিকট বর্ণন

(৯)

করিব, পৃথিবীস্থিত বস্তু বিষয়ে তাহাদের পিতা-মহী যথেষ্ট বর্ণনা করেন নাই, একারণ অনেক বিষয় তাহাদের জানিবার প্রয়োজন ছিল। কনিষ্ঠা রাজ-তনয়া একে লজ্জাশীলা ও সঙ্ঘবেচিকা, অনেক দিন অপেক্ষা করিতে হইবে বলিয়া, কবে আমার পালা আসিবে এই প্রত্যাশায় আত্যাঙ্কিত আকাঙ্ক্ষিণী হইয়া রহিল। তাহার মত কেহই অমন আপেক্ষিণী হইয়া ছিল না। মাসের মধ্যে অনেক বার রাজিকারে সে জানালার দ্বার মোচন করিয়া তাহার সমীপে দণ্ডায়মান হওত উর্দ্ধ দৃষ্টিে নীলবর্ণ জলের প্রতি অবলোকন করিত, মৎস্যেরা আপনাদিগের পুচ্ছ ও কাণকোয়া দ্বারা চটাং চটাং শব্দ করত জলে আঘাত করিলে, সে তাহাই নিরীক্ষণ করিত। আমরা পৃথিবীতে বাস করিয়া রাজিকালে চন্দ্র এবং তারা সকলকে যত বড় না দেখি, সে জলের মধ্যে বসতি করিয়া আমাদের অপেক্ষা অধিক বড় দেখিতে পাইত। কেবল আমরা যেমন ঐ জ্যোতির্ময় পদার্থ সকলকে পরিদীপ্যমান দেখি সে তেমন দেখিতে পাইত না, তাহা দেখিতে পাইত। কাল মেঘের ন্যায় কৌশলী তাহার এবং তারার মধ্যবর্তী হইয়া গমন করিলে সে মনে মনে বিবেচনা করিত, অবশ্যই ইহা তিমি মৎস্য আমার উপরিভাগে সমুদ্রে

জল মধ্যে সস্তরণ করিয়া বেড়াইতেছে, অথবা মনুষ্য পূর্ণ জাহাজ সকল সমুদ্রের উপরিভাগে গমনাগমন করিতেছে। কি আশ্চর্য্য! ঐ অর্ণব পোত নিবাসী কোন ব্যক্তি স্বপ্নেও এমন বিবেচনা করে না, যে সাগরের অধোভাগে এক মৎস্যনারী দণ্ডায়মানা হইয়া আপন শ্বেতবর্ণ হস্ত দুটী তাহাদের জাহাজের প্রতি বিস্তারিত করিতেছে।

সম্পত্তি রাজার জ্যেষ্ঠা কন্যা পোনের বৎসর বয়স্কা হইলে মহারাজ আজ্ঞা করিলেন, তুমি সমুদ্রের উপরিভাগে গমন করিয়া তজ্জ্ব মনোহর পদার্থ সকল অবলোকন কর, পিতৃ আজ্ঞায় রাজকন্যা সাগর তট পর্য্যন্ত যাইয়া তথা হইতে প্রত্যাগমন করত, আপনার ভগিনীদিগের নিকট বর্ণনা করিতে লাগিল, আমি অর্ণব তটে গমন করিয়া যেহ আশ্চর্য্য বিষয় অবলোকন করিয়াছি, তন্মধ্যে পরম সুন্দর একটি বিষয় এই, বায়ু স্থির হইলেই সমুদ্রস্থ সকল জলই স্থির হইয়া যায়, তখন দূরত্বী নগর সকলকে উত্তমরূপে দর্শন করিবার কোন বাধা থাকে না, বালুকাময় তটোপরি উপবেশন করিয়া দেখিলাম, আকাশ মণ্ডলে সহস্র সহস্র নক্ষত্র হইলে বেরূপ পরিদীপ্তমান হয়, সমুদ্রের তটবর্তী একটা বিস্তারিত নগর হইতে সেইরূপ আলোক বহির্গত হইতেছে; তথায় নানা প্রকার অতি

মনোরম বাদ্য বাজিতেছে, এত শব্দটী যাইতেছে, যে গাড়ীর শব্দে কাণপাতা যায় না, লোকের এত তিড়, যে যাতায়াতের ধুম ধামে শরীর লোমাক্ত হইয়া উঠে; আহা! সেখানকার মন্দিরের চূড়া সকলই বা কত উচ্চ, তাহাতে যে ঘণ্টা ধ্বনি হইতেছে, তাহা শুনিতে কেমন সুন্দর, আমি সমুদ্রের বালুকাময় তটে অনেক ক্ষণ পর্য্যন্ত বিলম্ব করিয়া এই সকল আশ্চর্য্য বিষয় দর্শন করণে আপেক্ষিকী হইয়া রহিলাম, কিন্তু অনেক চেষ্টা করিয়াও নিকটে যাইতে পরিলাম না।

রাজকন্যার কনিষ্ঠা ভগিনী মনঃসংযোগ করত এই সকল বিবরণ শ্রবণ করিয়া সন্ধ্যাকালের কিছু ক্ষণ পরে আপনার জানালার দ্বার উদ্ঘাটন পূর্ব্বক তথায় দাঁড়াইয়া রহিল, প্রপাট নীলবর্ণ সমুদ্র জলের প্রতি দৃষ্টি করিতে করিতে ভগিনী প্রমুখাৎ যে যে বৃত্তান্ত শ্রবণ করিয়াছে, মনেই সেই বিস্তারিত নগর, লোকের কলরব এবং বাদ্যের কোলাহল আন্দোলন করিতে লাগিল, আর অনুমান করিল যেম সমুদ্রের অধোভাগে থাকিয়াও আমি মন্দিরস্থ বন্দ শুনিতে পাইতেছি।

পর বৎসর রাজা আপন মধ্যমা কন্যাকে অনুমতি করিলেন, তুমি সমুদ্রের উপরিভাগে গমন করিয়া আপন ইচ্ছানুসারে সস্তরণ করিতে পার।

(১২)

পিতৃ আজ্ঞায় রাজতনয়া সূর্যাস্ত সময়ে সমুদ্রের উপরিভাগে গেল, গিয়া দেখে যে দিবাকর অস্তা-চলে উপবেশন করিতেছেন, তাহাতে যে শোভা হইয়াছে এমত সৌন্দর্য্য সে জন্মাবধি দেখে নাই। সে তথা হইতে প্রত্যাগত হইয়া আপন ভগিনীদিগকে কহিতে লাগিল, আহা! সূর্যাস্ত কালীন দেখিলাম যে সমুদায় আকাশটা একেবারে স্বর্ণের ন্যায় অর্থাৎ কাঁচা হরিদ্রার বর্ণ হইয়া উঠিয়াছে, মেঘ সকলের সৌন্দর্য্যের কথা কি বলিব, বর্ণনে রসনার সাধ্যাতীত হয়, লেখনী ও পরাভব মানে। লোহিত এবং ধূমল বর্ণের মেঘ সকল আমার মস্তকের উপর দিয়া গমনাগমন করিতেছিল, এক পাটা সাদা উড়নির মত কতক গুল। শুভ্রবর্ণ বকপক্ষী সমুদ্রে পার হইয়া অস্তাচল নিবাসী সূর্য্যের নিকট উড়িয়া যাইতেছিল। মনে মনে বাসনা করিলাম, আমিও সমুদ্র করিয়া সূর্য্যের নিকট গমন করি, কিন্তু হুর্ভাগ্য বশতঃ যাইতে যাইতে দিনকর একেবারে অধোগমন করিলেন, তাহাতে তাঁহার অপূর্ব সৌন্দর্য্য আর আমার নয়ন গোচর হইল না, আকাশ এবং জল হইতে বর্ণই এককালীন বিলুপ্ত হইয়া গেল।

পর বৎসর তৃতীয়া কন্যাও ঐ প্রকার আজ্ঞা প্রাপ্ত হইয়া সমুদ্রের উপরিভাগে গমন করিয়া ছিল।

(১৩)

অন্যান্য ভগিনী অপেক্ষা সে নিজে সাহসিকা ছিল, এজন্য সমুদ্রেতে যে একটা নদীর মুখ মিলিত ছিল, সমুদ্রের দ্বারা সে সেই নদী পর্য্যন্ত যাইয়া দেখিল যে হরিষর্গ পাহাড় সকল আন্ধুর লতাতে আচ্ছাদিত, এবং নগরস্থিত রূহৎ এবং ক্ষুদ্র ভূর্গ সকল, বিস্তারিত অরণ্যের মধ্য হইতে অল্প অল্প দেখা যাইতেছে, পক্ষীগণ মধুর স্বরে গান করিতেছে, তৎকালে সূর্য্যের উত্তাপ এমন প্রখর ছিল যে সে তাহাতে তাপিত হইয়া বারম্বার জলমধ্যে অবগাহন করিতে লাগিল, যেন তদ্বারা তাহার তাপিত বদন শ্লিষ্ক হইয়া পড়ে। তৎ সংযুক্ত আর একটি ক্ষুদ্র নদীতে গমন করিয়া দেখে যে কতকগুলীন ক্ষুদ্র ক্ষুদ্র অল্প বয়স্ক বালক স্রোতো মধ্যে বিবস্ত্র হইয়া জল ক্রীড়া করিতেছে। সে ঐ শিশু দিগকে দর্শন করিয়া তাহাদের সহিত খেলাইবার উদ্যোগ করিলে শিশু গুলীন ভয় পাইয়া পলাইয়া গেল, তাহাতে একটা কাল জুস্ত তাহার নিকটে গমন করত উচ্চঃস্বরে চীৎকার করিতে লাগিল। সেটাকুকুর, ভেউ ভেউ করিতে ছিল, কিন্তু যাবজ্জীবন মৎস্যনারী কুকুর কখন দেখে নাই, অতএব, ও যে কুকুর সে তাহা কি প্রকারে জানিবে। বোধ হয় তৃতীয়া রাজকন্যা পূর্ব্বে ছুট এই সকল বস্ত গুলীন কখন ভুলিবে না।

চতুর্থ ভগিনীর পালা উপস্থিত হইলে সে সাহসহীন। প্রযুক্ত সমুদ্রের মধ্যভাগ তিম অধিক দূর বাইতে পারে নাই, তথা হইতে প্রত্যাহত হইয়া আপন ভগিনী দিগকে বলিল, আমি সাগরের যে অংশে গিয়াছিলাম তাহা অতি রম্য স্থান, সেখান হইতে চতুর্দিকস্থ দূরবর্তী বস্তু সকল দৃষ্টি গোচর হয়, মস্তকের উপরি ভাগে আয়ণার ভিতর ঘণ্টার প্রতিবিম্ব যেরূপ দৃশ্যমান হইয়া থাকে আকাশকেও সেইরূপ দেখিলাম। আমি অনেকা-নেক জাহাজ দেখিয়াছি বটে কিন্তু তাহা অধিক দূরে ছিল বলিয়া তাহাদিগকে ক্ষুদ্র ক্ষুদ্র পক্ষীর ন্যায় দেখিয়াছি। আর একটি আশ্চর্য্য বিষয় দেখিলাম, গোটা কতক শিশুমার অর্থাৎ শুশুক লেজ নাড়িয়া ক্রীড়া করিতে জল উলটায়। কিয়দংশ শরীর দেখাইবার পরে তিলেক মধ্যে ডুবিয়া গেল। কতক গুল। তিমি মৎস্য আসিয়া নাশারকু দ্বারা এমনি পিচকারি মারিতে লাগিল, তদৃষ্টে বোধ হইল যেন শত শত ফোয়ারা হইতে জল উঠিতেছে*।

* তিমি মৎস্যের একটি আশ্চর্য্য স্বভাব এই, তাহারা সময়ে সময়ে জলের উপরিভাগে উঠিয়া বায়ু ~~করি~~ করার নিমিত্ত নাশা রক্ত দ্বারা এমনি জল সেচন করে যে দেখিলেই একটি ফোয়ারার ন্যায় বোধ হয়, তাহাতেই শিকারী লোকেরা স্থান নির্দিষ্ট করিয়া ভরণীষোগে তথায় গমন করত তাহাদের প্রাণ বধ করে। তিমির শরীর হইতে যে তৈল প্রস্তুত হয়, তাহা অনেক কার্য্যে লাগে।

এইবার পঞ্চমা ভগিনীর পালা। শীতকালে তাহার জন্ম দিন, একারণ আর আর ভগিনী সমুদ্রোপরি উদ্ভিত হইয়া যে যে বস্তু না দেখিয়া ছিল, তাহা তাহার দৃষ্টি গোচর হইল। তথা হইতে প্রত্যাহত হইয়া সে আপন ভগিনী দিগকে বলিল, দেখিলাম সমুদ্রের জল একেবারে সম্পূর্ণ রূপে হরিদ্বর্ণ হইয়া উঠিয়াছে, ~~কল জমি~~ হওয়াতে প্রকাণ্ড প্রকাণ্ড বরফের চাপ সকল সমুদ্রোপরি ভাসিতেছে, প্রত্যেক খণ্ডই মুক্তার ন্যায় উজ্জ্বল, মনুষ্যেরা বুদ্ধি কৌশলে যে মন্দির নির্মাণ করে, ইহা তদপেক্ষাও বৃহৎ। তাহাদের আকৃতি বড় একটা উত্তম নহে বটে, কিন্তু হীরার ন্যায় বিকমিক করিতেছে। তাহার মধ্যে যেটা অতি প্রকাণ্ড আমি তাহারই উপরে বসিলাম, তথা হইতে দৃষ্ট হইল কেন জাহাজ স্থিত নাবিক গণ ভয় পাইয়া বায়ুভরে নিজ নিজ জাহাজ সকলকে বেগে চালাইতেছে, আমি যে স্থানে বসিয়া ছিলাম, সে স্থানে আসিতে তাহাদের বড় শঙ্কা হইল। পবন দেব সত্ত্বর বেগে আমার দীর্ঘ কেশে পতিত হইয়া, চুল গুলী আলু খালু করিয়া ফেলিলেন। দিবাবসান কালে দেখিলাম শূন্য মার্গ মেঘ দ্বারা আচ্ছন্ন, একেবারে ঘোরাল হইয়াছে, ঘন ঘন সৌদামিনী চপলভাবে দীপ্তমতী হইতেছে, বজ্রাঘাতের শব্দই বা কি,

(২৬)

তাহাতে নীলবর্ণ সমুদ্রবারি আলোড়িত হইয়া ঐ প্রকাণ্ড প্রকাণ্ড বরফ চাপকে উল্লে নিষ্ক্ষেপ করিতেছে, বিছাতের লোহিত আভায় ঐ বরফের চাপ সকলও উজ্জ্বল হইয়া অতি সুদৃশ্য হইতে লাগিল। জাহাজের পাল গুটাইয়া মাস্তুলে জড়াইয়া দিল, ভয়েতে আরোহী লোকেরা কম্পিত, আমি স্থির ভাবে পূর্বোক্ত বরফের উপর উপবেশন করিয়া, উজ্জ্বল সমুদ্রের সলিলোপরি বহু ভাবে যে ভড়িৎ পড়িতে ছিল, তাহাই দেখিতে লাগিলাম।

প্রথমতঃ যখন রাজ কন্যারা একে একে সমুদ্র জলের উপরিভাগে উঠে, তখন সূতন সূতন আশ্চর্য্য বস্তুর সৌন্দর্য্যাবলোকনে তাহারা একে-বারে মোহিত হইয়া ছিল, কিন্তু বয়োবৃদ্ধি হইলে মহারাজা যখন আজ্ঞা দিয়া কহিলেন, আমি তোমাদিগকে স্বাধীনতা প্রদান করিতেছি, তোমরা যতবার ইচ্ছা ততবার সমুদ্রের উপরিভাগে গমন করিতে পার, তখন তাহাদের ঐ প্রকার ভ্রমণে আর অনুরাগ রহিল না, জলোপরি যাইতে তাহারা বিরক্তি প্রকাশ করিল, সময়ে সময়ে পৃথিবীস্থ পদার্থ দেখিতে উঠিয়া যাইত বটে, কিন্তু গিলাও তাহাদের সুখ বোধ হইত না। পুনর্বার অধোভাগে গমন করিতে তাহাদের অভ্যস্ত বাসনা হইত, একদা তাহারা সকলেই একবাক্য হইয়া বলিল

(১৭)

যে উপরিভাগ অপেক্ষা আমাদের বসতি স্থান অধোভাগটি অধিক সুন্দর, অতএব গৃহে বাস করা আমাদের পক্ষে অধিক সুখ জনক হয়।

এক একবার সন্ধ্যা কালে পাঁচটি ভগিনীতে পরস্পর হাতে হাতে বন্ধন করত সারি সারি পাঁচ জনেই একেবারে জলের উপরিভাগে উঠিত। সকলেরই অতি মিষ্টি স্বর, মানব জাতির স্বরের সহিত তাহাদের স্বরের তুলনা করিলে মানব-জাতীয় স্বরকে তদপেক্ষা অপকৃষ্ট বলিতে হয়। ঝড় আসিতেছে জানিতে পারিলে তাহারা অগ্রেই অনুমান করিত, এবার একখান জাহাজ ডুবিতে পারে, অতএব সম্ভরণ দ্বারা ঐ জাহাজের অগ্রে গমন করিয়া সমুদ্রের অধোদেশে যে যে আনন্দোৎপত্তি হইবে, তদ্বিষয়ে অতি মনোহর গীত গাইত, আর সমুদ্রে গামী নাবিকদিগের নিকটে প্রার্থনা করিত তোমরা সমুদ্রের অধোভাগে আসিতে ভয় করিওনা। কিন্তু নাবিকগণ তাহাদের কথা বুঝিতে না পারিয়া ভ্রম বশতঃ বিবেচনা করিত ইহা ঐ ঝড়েরই শব্দ; জলের নিম্ন দেশে কি কি আছে তাহা তাহারা কখনই দেখে নাই। কেননা জাহাজ জল নিম্ন হইলে মনুষ্যেরা ডুবিয়া মরে, ইহাতে কেবল তাহাদের মৃত দেহ সকল সমুদ্রীয় রাজার বাটীতে পৌঁছে,

জীবিত না থাকিলে তাহার। সেখানকার সৌন্দর্য্য
কিরূপে অনুভব করিবে।

ভগিনী গুলীন হাতা হাতী করিয়া জলে-
র উপরিভাগে উঠিলেই কনিষ্ঠাটি একাকিনী দ-
ণ্ডায়মান হওত তাহাদের প্রতি নিরীক্ষণ করিয়া
মনে মনে কতই ক্রন্দন করিত, মৎস্যনারী দিগের
চক্ষু হইতে অশ্রু পতন হয় না, এজন্য তাহার।
অন্তঃকরণে অধিক দুঃখ মুহু করিয়া থাকে।

আহা! সে আক্ষেপ করিয়া বলিত পনের বৎসর
বয়স্ক হইতে আমার অত্যন্ত বাসনা হয়, আমি নি-
শ্চিত বলিতে পারি, তাহা হইলেই উপস্থিত
জগৎ এবং পৃথ্বী বাসী লোকদিগকে আমি অধিক
প্রেম করিব।

এইরূপে কিছুকাল পরে ঐ কনিষ্ঠা রাজতনয়া প-
ঞ্চদশ বর্ষ বয়স প্রাপ্ত হইলে তাহার পিতামহী
তাহাকে সম্বোধন করিয়া কহিল, ওগো এক্ষণে
তুমি বয়স্ক হইয়াছ, আইস তোমার আর আর
ভগিনী দিগের ন্যায় তোমাকেও আমি উত্তম
পরিচ্ছদ পরাইয়া দি। ইহা বলিয়া কেশ গুলী-
ন বিনাইয়া ষ্ঠত পদ্বের মালা এক ছড়া তা-
হাতে পরাইয়া দিলেন, অর্দ্ধ মুক্তা সচ্ছ তাহার
এক একটি পাবড়ী উজ্জ্বল, আহা! ইহাতে তা-
হার কতই শোভা হইল। পরে বৃদ্ধা ভৃত্য-

কে আজ্ঞা করিলেন, ইনি আমার অতি প্রে-
মসী কন্যা অতএব আটটা বহৎ বহৎ কস্তুরী
শঙ্খ আনাইয়া ইহার লাক্সলে বাঁধিয়া দেও। ভূ-
ত্য তাহাই করিল। অল্পবয়স্ক মৎস্যনারী ক-
নিষ্ঠা রাজকন্যা কহিল ওগো দিদি ইহাতে
আমার যে বড় ক্লেশ বোধ হইতেছে। বৃদ্ধা রাণী
কহিলেন, ক্লেশ হইতেছে তা কি হবে, অভিমান
সকল ক্লেশের মূল, অভিমান থাকিলেই ক্লেশ
মহু করিতে হয়।

আহা! ঐ সকল বৃথা জাঁক জমক পরিভ্যাগ
করিলে সে কতই বা সুখী হইত, অতি ভারি কুলে-
র মালা ছড়াটা তাহার পক্ষে কি, তাহার বাগানে
রক্ত বর্ণের যে সকল ফুল ফোটে তাহাতে তাহার
অধিক শোভা হয়। জলবুদ্ববুদের ন্যায় সে অপ্পে-
সমুদ্রোপরি উঠিয়া উচ্চৈঃস্বরে বলিল আমি এক্ষণে
পিতার নিকট হইতে বিদায় হইয়া আসিয়াছি।
পরে চেউর উপরে মস্তক তুলিয়া দেখে, সূর্য্যদেব
অস্তাচলে গমন করিয়াছেন, তাহাকে আর কোন
মতেই দেখিতে পাওয়া যায় না, কিন্তু মেঘ সকল
অপ্প অপ্প রঞ্জিমবর্ণ দেখাইতেছে, আমারদিগের
ধূতির ফুঁপিতে যেমন আমরা তিন্ন তিন্ন পাড় লা-
গাইয়া থাকি সেইরূপ মেঘের চতুর্দিকস্থ কিনারাও
সোণার বর্ণে বর্ণিত হইয়াছে, সমুদায় শূন্যমার্গটা

(২০)

একেবারে গোলাপী রঙ্গের আভাযুক্ত, কিন্তু তাহা শীত্রে বিলুপ্ত হইতেছে। এতাদৃশ সৌন্দর্যে শোভিত হইয়া সন্ধ্যা প্রকাশমান হইলেন। অল্পশীতল বায়ু বহন হইতেছে, সমুদ্রে স্থির জল, কোন প্রকার উপপ্লব নাই। তিনটা মাস্তুল যুক্ত একটা প্রকাণ্ড জাহাজ জলের উপরি-ভাগে রহিয়াছে; কিছুমাত্র বায়ু সঞ্চালন না হওয়াতে কেবল একটা মাত্র পাল উঠান আছে, নাবিকগণ মাস্তুলে বাঁধা রজু নির্মিত শিড়ির উপরে চতুর্দিক বেষ্টিত করিয়া বসিয়াছে। নানা প্রকার যন্ত্র সংমিলন দ্বারা বিবিধ প্রকার বাদ্য বাজিতেছে, গীতের বা কতই মনোহর স্বর; সন্ধ্যাতীত হইলে অন্ধকার হইয়া রাত্রি উপস্থিত হইল, এমত সময়ে আরোহী লোকগণ নীল পীত লোহিত প্রভৃতি বিবিধ বর্ণের শত শত ঝাড় ও লন্টন জাহাজের চাঁদনির নীচে খাটাইয়া দিল, আহা! তাহার শোভার কথা কি বলিব, তিম্র তিম্র জাতির। সমুদ্রে পথে যাইবার সময়ে যেমন এক এক প্রকার তিম্র তিম্র বর্ণের নিশাণ তুলিয়া দেয়, তাহা যেরূপ দেখায়, উহাও সেইরূপ দেখাইতে লাগিল *।

* এ বর্ণনার তাৎপর্য যিনি না উপলব্ধি করিতে পারেন। কলিকাতাস্থ বাবুর ঘাটে গিয়া জাহাজ সকলের প্রতি দৃষ্টিপাত করিলেই উক্তরূপে তাহাদের সৌন্দর্য্যানুভব হইবে।

(২১)

জাহাজ এক প্রকার অটালিকার ন্যায়, তাহাতে অনেক গুলী কুঠরী, এবং জানা-কা সারসী খড়খড়ী প্রভৃতি সকলই তন্মধ্যে আছে। অল্প বয়স্ক মৎস্যনারী সস্তরণ দ্বারা একটা কামরার নিকটে গিয়া মস্তকোত্তোলন করত স্বচ্ছ সারসীর তিতর দিয়া দেখিতে পাইল, তাহার তিতর কতক গুলীন যুবা পুরুষ উত্তম পরিচ্ছদ পরিধান করিয়া বসিয়া রহিয়াছে। দেখিল তাহাদের মধ্যে এক ব্যক্তি পরম সুন্দর, মৃগ চক্ষুর ন্যায় তাহার চক্ষুদ্বয় বড় বড়, ও কৃষ্ণবর্ণ, অনুভবে সে বোধ করিল ইনি অবশ্যই রাজকুমার হইবেন; ষোড়শ বর্ষের অধিক বয়স নহে, সে দিন তাহার জন্মদিন, তৎ প্রযুক্তই এত ধুম ধামে উৎসব হইতেছিল। নাবিকগণ জাহাজের চাঁদনির উপর দণ্ডায়মান হইয়া নৃত্য করিতেছে, এমত সময়ে রাজপুত্র উপরে উঠিয়া আইলেন, রাজকুমারের আগমনে নাবিকেরা শতাধিক হাউয়ে একেবারে আশুগ লাগাইয়া দিল, তদালোকে শূন্যমার্গ আলোকময় হওয়াতে ঠিক যেন দিনের মত উজ্জ্বল হইয়া উঠিল, সমুদ্রোপাে বাসী রাজ তনয়া যাবজ্জীবন কখন এমন দেখে নাই, এজন্য ভয় পাইয়া জল নিমগ্ন হইল। ডুবিয়াও অনেকক্ষণ থাকিতে পারিল না, আর একবার মাথা তুলিয়া উপরিভাগের প্রতি দৃষ্টিপাত করিয়া দেখে

(২২)

যে শূন্য হইতে তারা সকল তাহার মস্তকোপরি পতিত হইতেছে। স্বৰ্য্যবাজি দ্বারা বারুদ সকল বড় বড় স্ফোরণ মত হইয়া অগ্নির স্ফুলিঙ্গ বাহির করিতেছে, মৎস্য বাজি দ্বারা বারুদ সকল মৎস্যের ন্যায় হইয়া শূন্যমার্গে কেলি করিয়া বেড়াইতেছে, আর ঐ আশ্চর্য বস্তুর ছায়া সকল সমুদ্রের স্থিরবারি মধ্যে প্রতিবিম্বিত হইলে উপরে যেরূপ দেখাইতেছিল, নীচেও সেইরূপ দেখা গেল। এমন আশ্চর্য বারুদের কর্ম্ম সে পূর্বে কখন দেখে নাই। যখন আকাশ মণ্ডল এরূপ দীপ্তমান তখন জাহাজ কত আলোকময় হইতে পারে তাহা লিখবার আবশ্যক রাখে না। জাহাজ স্থিত প্রত্যেক রসীগুলীন স্পষ্ট রূপে দৃশ্যমান হইতে লাগিল, তখন যাহারা তাহার ভিতর ছিল তাহাদিগকে কিরূপ দেখা যাইতে পারে? পরম কপবান রাজপুত্র আর আর উপস্থিত লোক দিগের হস্তে হস্ত দিয়া হাস্য করিতে লাগিলেন, ইহাতে তাঁহাকে কেমন সুন্দর দেখাইল, ঐ সুখ জনক রাত্রিকালে বাদ্যের শব্দে সকল লোকই মোহিত, আনন্দের আর পরিসীমা নাই।

অধিক রাত্রি হইয়াছিল তথাপি ঐ মৎস্যকার। কন্যা রাজপুত্র এবং জাহাজের প্রতি দৃষ্টি করিতে বিরক্তি প্রকাশ করিল না, এক চুফে তাহাদের প্রতি নিরীক্ষণ করিয়া রহিল, এই রূপ দৃষ্টি ক-

(২৩)

রিতে করিতে সে দেখিল যে পূর্বে দৃষ্ট বিবিধ বর্ণের লণ্ঠন সকল নির্মাণ হইতেছে, হাউই ছোড়া বন্ধ হইয়াছে, বন্দুকের শব্দ আর শুনিতে পাওয়া যায় না, কেবল সমুদ্রের গভীর স্থানে ঘোর গর্জনে গুড় গুড় শব্দ হইতেছে। তথাপি সে হেলিয়া হুলিয়া একবার জলের উপরে উঠে, একবার জলের ভিতরে যায় এবং যে কামরাতে রাজপুত্র বাসিয়া আছেন, এক একবার সেই কামরার ভিতরটা উঁকি মারিয়া দেখে। ক্ষণকাল বিলম্বেই দেখিল যে জাহাজখান শীঘ্র শীঘ্র লড়িতেছে, পূর্বে যে পালগুলি গুটান ছিল এক্ষণে তাহা প্রসারিত হইয়াছে, জল পূর্ণ মেঘ সকল আকাশ মণ্ডলে ইতস্ততঃ উড়িয়া যাইতেছে, দূর হইতে বিদ্যুৎ আভা দেদীপ্যমান, সমুদ্রের চেউ সকল পর্তাকারে উঁচু উঠিতেছে। ইহাতে বোধ হইল, অবশ্যই একটা ঝড় আসিতে পারে, তখন নাবিক গণ আর একবার পাল সকল গুটাইয়া ফেলিল। প্রকাণ্ড জাহাজখান দ্রুততর বেগে আলোড়িত হইতে লাগিল সমুদ্র জল মধ্যে একবার এদিকে যায়, একবার ওদিকে যায়; তরঙ্গ সকল বৃহদাকার ক্রম বর্ণ পর্তত সূক্ষ্ম হইয়া এমনি উঁচু উঠিল যে নাবিক গণ তাহাতে অতিশয় শঙ্কা বোধ করিয়া বিবেচনা করিল, চেউ সকল উপরকার মাস্তুল

পর্যন্ত ঘেরিলেও ঘেরিতে পারে; হংস পক্ষী
জলের তিতরে যেমন ডুবিয়া পড়ে, উচ্চ তরঙ্গের
মধ্যে জাহাজখানও সেই রূপ ডুবিয়া গেল, আ-
বার তরঙ্গ ফাঁপিয়া উঠিলে জাহাজখানও তাহার
উর্দ্ধভাগে দৃশ্যমান হইল। এই রূপ দেখিয়া ম-
ৎস্য রাজ তনয়া বিবেচনা করিল, জাহাজ চালান
বুঝি অত্যন্ত সুখ জনক, কিন্তু হুর্ভগা নাবিক
লোক তৎ সময়ে আপনাদিগকে বিপদগ্রস্ত দে-
খিয়া সে প্রকার বিবেচনা করিল না। কড়াৎ
কড়াৎ শব্দ করিয়া জাহাজ খান ফাটিয়া যাইতে-
ছে, অনবরত তরঙ্গমাঝে উহার মোটা মোটা তক্তা
সকল ক্রমে খসিতেছে, পরে একটা ছিদ্র হইয়া তা-
হার তিতর দিয়া জল চোয়াইতে লাগিল। থাকড়া
তৃণ যেমন ছুইখান হইয়া ভাঙ্গিয়া যায়, জাহাজের
মাস্তুলটা সেই রূপ হইয়া ভাঙ্গিয়া যাওয়ার্তে ঐ
অর্ণবয়ান একদিকে হেলিয়া পড়িল, তক্তন্যই
উহার খোলের তিতরে জল সৈঁধিয়া গেল। তখন
রাজকন্যার বোধ হইল যে জাহাজস্থিত লোক
সকল এবার বিপদে পড়িয়াছে, উহার বড় বড়
তক্তা এবং কড়িকাঠ গুলা চারিদিকে বিস্তীর্ণ হই-
য়া পড়িতেছে, পাছে উহাতে আপনাকে আঘাত
লাগে এজন্য সকলে বিধিমতে সাবধান হইতে লা-
গিল। মুহূর্ত্তেকের মধ্যে এমনি অন্ধকার হইয়া উঠিল

যে রাজকন্যা আর কিছু দেখিতে পাইল না; পর
ক্ষণেই বিদ্যুৎ আভা দ্বারা আকাশ মণ্ডল উজ্জ্বলী-
কৃত হইলে জাহাজস্থিত তাবৎ বস্তু স্পর্শ রূপে
তাহার দৃষ্টি গোচর হইল, বিশেষতঃ বুঝি যুবা
রাজপুত্র জল মধ্যে নিমগ্ন হইতেছেন, এই ভয়ে
সে কায়মন চেষ্টায় তাঁহাকে দেখিয়া বেড়ায়, এমত
সময়ে জাহাজ খান ভগ্ন হইয়া একেবারে চূর্ণ হই-
য়া গেল। এবার বুঝি রাজ কুমার আমার নিক-
টে আসিবেন, ইহা ভাবিয়া সে কতই আশ্লা-
দিতা হইল, কিন্তু পরক্ষণেই বিবেচনা করিল,
মনুষ্য জাতি জল মধ্যে তিস্তিতে পারে না, অ-
তএব আমার পিতার বাটীতে উত্তরিবার পূর্বেই
তাহার প্রাণত্যাগ হইবে। কিন্তু প্রাণ যায় তা-
হাও স্বীকার, তথাপি আমি তাঁহাকে প্রাণে হত
হইতে দিব না, এই প্রতিজ্ঞায় রাজ তনয়া ঐ
তরঙ্গ বিস্তীর্ণ কড়িকাঠ এবং তক্তার মধ্য দিয়া স-
স্তরণ দ্বারা তাঁহার নিকটে গমন করিল, উহাদের
আঘাতে তাহার মস্তক যে চূর্ণ হইয়া পড়িবে এ-
কবারও সে মনে এমন ভয় করিল না। এক-
বার গভীর জল মধ্যে সে নিমগ্ন হইয়া যায়, আ-
বার প্রবল তরঙ্গের উপরিভাগে মস্তকোথিত
করে, বারম্বার এই রূপ করিয়া অবশেষে রাজ কুমা-
রের সন্নিকটে গিয়া পৌঁছিল। গিয়া দেখে যে সমুদ্রীয়

(২৬)

প্রবল তরঙ্গের সহিত যুদ্ধ করিয়া তিনি অচেতন হইয়া পড়িয়াছেন, প্রায় ইঞ্জিয়াদির স্পন্দ মাত্র নাই। হস্ত পদাদি দুর্বল হইয়া পড়িয়াছে, অতি সুন্দর চক্ষু দুইটি মুদ্রিত, আর কিছু ক্ষণ মৎস্যকন্যা তাঁহার সাহায্যার্থে না গেলেই তাঁহার প্রাণ বিনাশ হইত। জলের উপরিভাগে সে রাজপুত্রের মস্তক তুলিয়া ধরিল, আর মনে করিল এখন কিছু সুবিধা হইয়াছে, সম্পূর্ণ তরঙ্গ আমাদিগকে যেদিকে ইচ্ছা সেই দিকে ভাসিয়া লইয়া যাউক।

উষাকালে বাড়ের প্রাবল্য দূর হইয়া গেল, জাহাজের যে যে অংশ ভগ্ন হইয়াছিল, আর তাহা দেখা গেল না। উদয়াচলে দিবাকর রক্তিমবর্ণ হইয়া উদিত হইলেন, জল হইতে তাঁহার সুবর্ণ কিরণ দৃষ্ট হইতে লাগিল, রাজ কুমারের কপোল দেশে ঐ আভা লাগিবাতে বেগ হইল বুঝি সূর্যদেব দয়া করিয়া রাজপুত্রের শরীরের মধ্যে জীবন সঞ্চার করিতে আগিতেছেন, কিন্তু তাঁহার মুদিত চক্ষু উন্মীলন হইল না। মৎস্যনারী প্রেমভাবে তাঁহার সুপ্রসারিত ললাটোপরি চুষনকরিতে করিতে তাঁহার জনসিক্ত কেশগুলীর উপর হাত বুলাইতে লাগিল। আর মনে করিল আমার উদ্যানে শ্বেতবর্ণ প্রসুরময় যে প্রতিমূর্তিটি আছে ইনি তাহারই ন্যায়, রাজকুমার যেন



(২৭)

জীবন পূর্ন এই আকাঙ্ক্ষায় সে বারবার তাঁহার মুখ মণ্ডলে কতই চুম্বন করিল।

এইরূপ ভাসিতে ভাসিতে কত দূর যায়, ক্রমে একটা দেশের নিকটে গিয়া দেখে যে তন্মধ্যে অ-
ত্যাচ্চ নীলবর্ণের পর্বত রহিয়াছে, তাহার উপরি-
ভাগে বরফ পড়িয়া এমনি শুভ্র বর্ণ হইয়াছে
যে দেখিলেই লোকে বোধ করে, বুঝি শত শত
শ্বেতবর্ণ রাজহংস আপনাদিগের পাখা গুলীন
প্রসারিত করিয়া উহা আচ্ছাদিত করিয়া রহি-
য়াছে। ভূমির নিম্নভাগে সমুদ্রে তটের নিক-
টবর্তী একটা অতি সুন্দর হরিদ্বর্ণ বন, তৎস-
ম্মুখ ভাগে একটা প্রকাণ্ড মন্দির, কিন্তু তাহা ম-
ন্দির বা কোন বড় মানুষের বাগান বাটী, ইহা
সে নিশ্চয় রূপে জানিতে পারিল না, যাহা হউক
উহা যে একটা বৃহৎ অট্টালিকা তাহার কোন ভুল
নাই। আহা! ঐ অট্টালিকার সম্মুখবর্তী উদ্যা-
নের মধ্যে ফলবান্ উত্তমোত্তম বৃক্ষ সকল ফলের
ভারে নত হইয়া পড়িয়াছে, কলম্বা কমলা প্রভৃতি
কত লেবু রহিয়াছে তাহার সম্ভ্রা করা যায় না।
দ্বারের সম্মুখেই বড় বড় তালের গাছ। ঐ
স্থানে একটা উপসাগর অর্থাৎ খাড়ির মত ছিল,
সেখানকার জল গভীর বটে, কিন্তু স্থস্থির
ছিল। এজন্য সে রাজকুমারকে সমভিব্যাহারে

(২৮)

লইয়া সম্ভরণ দ্বারা তাহার চড়ার নিকটে গেল। তখন স্বেভবর্ণ কোমল বাসুকী সকল স্থানে স্থানে রাশি রাশি হইয়া ছিল, মৎস্যনারী ঐ স্থানেই অতি সাবধানে রাজপুত্রকে শয়ন করাইবার জন্য বিশেষ রূপে উদ্যোগ করিতে লাগিল। যেন তাহার মস্তকটি শরীর অপেক্ষা উচ্চীকৃত না হয়, এবং সূর্যোজ্জ্বল যেন উত্তমরূপে লাগে, এই নিমিত্ত সে বড়ই সাবধান হইল। অনন্তর পূর্কোক্ত প্রকাণ্ড অট্টালিকার ভিতর হইতে ঘন্টাধ্বনি হইবামাত্র কতক গুলীন যুবতী কন্যা উদ্যান মধ্যে আইল। ইহাতে ক্ষুদ্র মৎস্যনারী ভয় পাইয়া সমুদ্রের অনতিদূরে সম্ভরণ করিয়া পলাইল, খানিক দূর যাইয়া দেখে যে জলোপরি উচ্চ একখান প্রস্তর ভাসিতেছে। তাহারই পশ্চাতে লুকাইল, পাছে কেহ তাহার বন্দন মণ্ডল দেখে এজন্য ফেনা দ্বারা মস্তক এবং বক্ষঃস্থল আচ্ছাদিত করিল। দুর্বল রাজপুত্রকে কেহ সাহায্য করিতে আসিয়াছে কি না, সর্ষদা এই অবলোকন করিতে লাগিল।

কিছুকাল বিলম্বে এক যুবতী কন্যা যেখানে রাজকুমার পড়িয়াছিলেন; সেই স্থানেই আসিয়া উপস্থিত হইল। এতদূর ভাবে রাজনন্দনকে শয়ান দেখিয়া প্রথমতঃ সে কিছুভয় পাইল বটে, কিন্তু সে

(২৯)

শঙ্কা অধিক ক্ষণ রহিল না, অত্যঙ্গকালের মধ্যেই তাহা দূর হইবামাত্র সে আরও জন কতক ত্রীলোক ডাকিয়া আনিল, মৎস্যনারী অন্তরে থাকিয়া এ সমুদায় দেখিতেছে, ক্রমেই দেখিল যে রাজতনয় পুনর্জীবিত হইয়া চতুর্দিকস্থ লোকদিগের প্রতি দৃষ্টিপাত করত অঙ্গ হাস্য করিতেছেন। কিন্তু যে যুবতী কন্যা তাঁহার জন্য এত কষ্টভোগ করিয়াছে; তাহাকে মনে করিয়া তিনি হাস্য করিলেন না, অথবা সে যে তাঁহাকে রক্ষা করিতে এত চেষ্টা করিয়াছিল, তিনি তাহাও জানিলেন না। মনেই এই আন্দোলন করিয়া সে বড়ই হুঃখিতা হইল; দেখিতেই জন কতক মানুষ রাজকুমারকে বহন করিয়া ঐ প্রকাণ্ড অট্টালিকার ভিতরে লইয়া গেল, মৎস্য রাজকন্যাও ক্ষুব্ধান্তঃকরণে জলের ভিতর ডুব মারিয়া একেবারে পিতৃহৃৎ প্রত্যাগমন করিল।

মৎস্য রাজের কনিষ্ঠা কন্যা বড় একটা বাটাল ছিলনা, সর্ষদা কোন না কোন বিষয়ের ধ্যান করিয়া কালষাপন করিত। অতএব সে হুঃখিতা আসিয়া বসিয়া রহিয়াছে এমত সময়ে আর আর ভগিনীরা নিকটে আসিয়া তাহাকে জিজ্ঞাসা করিল, ভগিনি! তুমি জলোপরি উঠিয়া কি দেখিয়াছ তাহা বল, কিন্তু সে তাহাদিগকে কোন কথাই বলিল না। সে

(৩০)

বহু দিবসাবধি একবার, সন্ধ্যাকালে এবং একবার প্রাতঃকালে জল হইতে উখিত হইয়া যে খানে রাজকুমারকে সে পরিত্যাগ করিয়া আসিয়াছে, সেই স্থানেই গমন করে, এই রূপ প্রত্যহ গিয়াও তথায় তাহার কোন ফলোদয় হইল না। এক দিন দেখিল উদ্যানস্থ ফল সকল পক্ষ হওয়াতে লোকেরা পাড়িয়া এক স্থানে সংগ্রহ করিতেছে, পক্ষত শিখরে যে সকল বরফ জমাট হইয়াছিল, তাহা গলিয়া পড়িয়াছে, ইত্যাদি আর আর সকলই দেখিতে পাইল, কিন্তু কোনমতেই রাজকুমারকে দেখিতে পাইল না, একারণ অধিক মনোহুঃখে সমুদ্রাধোভাগে পুনরাগমন করিল। শোক সান্ত্বনা করে, এমন কোন উপায় নাই, আপন উদ্যানে গমন করিয়া তন্নধ্যবর্তী প্রস্তরময় প্রতিমূর্তিকে রাজপুত্রবোধে এক একবার জড়িয়া ধরিত, মরি মরি অবোধ বালা এতেও কি মনোহুঃখ যায়! যাহা হউক এই চিন্তায় নিমগ্ন হইয়া সে উদ্যানস্থিত পুষ্প সকলের প্রতি বড় একটা মনোযোগ না করিতে তাহাদের পত্র এবং দাঁটা সকল ডালে ডালে জড়িয়া বাগানের পথ একেবারে অপরুদ্ধ হইয়া গেল, সুতরাং ছায়ার অধোভাগস্থ কোন বস্তুই আর দেখা যায় না, সম্পূর্ণ অন্ধকার হইয়া উঠিল।

অবশেষে সমুদ্র রাজকন্যা আপনার গোপন

(৩১)

কথা আর লুকাইতে না পারিয়া এক জন ভগিনীর কাছে অন্তঃকরণের তাবৎ কথাই ব্যক্ত করিয়া ফেলিল, তৎ প্রমুখাৎ আর ২ ভগিনীরাও সেই গুপ্ত কথা শুনিল, তাহারা একা হইয়া প্রতিজ্ঞা করিল, আমরা একথা কাহারও নিকটে প্রকাশ করিব না। কিন্তু স্রীজাতির চঞ্চল বুদ্ধি, গোপন বিষয় অব্যক্ত রাখা তাহাদের পক্ষে মুকঠিন, ঐ রাজকন্যাদের সমবয়স্কা আর যে দুই জন মৎস্যনারী ছিল; তাহারা তাহাদেরই নিকটে বলিল, আর কাহাকেও একথা জানাইল না, উহারাও ঐরূপ আপনাদিগের আর দুই জন অন্তরঙ্গের কাছে একথা প্রকাশ করে, কিন্তু তাহাতে মন্দ ফল ফলে নাই। তাহাদের মধ্যে একজন দৈবক্রমে ঐ রাজার পরিচয় জানিত, রাজপুত্রের জন্মদিনোপলক্ষে জাহাজের উপর যে মহোৎসবদি হয় সে তাহাও দেখিয়াছিল, কোন দেশের রাজা এবং তিনি কোথা হইতে আসিয়াছিলেন, এতাবৎ সমুদায় স্বাত্তান্তই সে রাজকন্যা দিগকে জানাইল।

অনন্তর আর ২ রাজকন্যারা আপনাদিগের কনিষ্ঠা ভগিনীকে সযোজন করিয়া কহিল, ভগিনি! আইস দেখি আমরা সকলে একবার রাজকুমারের অন্বেষণ করি, এই বলিয়া হাতে হাতে বন্ধন করত সারি সারি সকলেই একেবারে সমুদ্র হইতে উঠিল,

(৩২)

রাজপুত্রের বসদ্বাটী যে স্থানেতে ছিল, তাহা তাহার উত্তমরূপে জানিত, অতএব সকলেই এক কালে সেই স্থানেই গিয়া পৌঁছিল।

রাজবাটীর শোভার কথা কি বলিব, তাহা উজ্জ্বল পীতবর্ণের চকচক্য প্রস্তর দ্বারা নির্মিত, সমুদ্র অবধি বাটী পর্য্যন্ত শ্বেতবর্ণ প্রস্তর দ্বারা তাহার সিঁড়ী নির্মিত হইয়াছে। ছাদের চারিদিকে স্বর্ণভা সন্মুক্ত বড় বড় বছরাই গোলাপের গাছ, বাটীর চতুষ্পাশ্বে এক একটা থামের মধ্যে এক একটা প্রস্তরময় মূর্তি, মনুষ্যের যেমন গঠন তাহাদেরও তেমনি গঠন হওয়াতে ঠিক তাহা জীবিত মনুষ্যের ন্যায় রহিয়াছিল। বড় বড় জানালার স্বচ্ছ সারসীর ভিতর দিয়া বাটীর অভ্যন্তরে যে সকল জমকাল কুঠরী আছে, সে সকলই দেখা যায়, এক একটা কুঠরীর ভিতর এক একটা অতি দামী রেশমী কাপড়ের মশারি, সকলেরই ছাদের নীচে নানা প্রকার নত পত্ কাটা চন্দ্রাতপ ঝুলিতেছে, দেওয়ালে বড় রকমের কত ছবি টাঙ্গান, তাহার সংখ্যা করা যায় না। আহা! এবিধ রাজবাটী দৃষ্টি করিলে সকলেরই চক্ষু জুড়ায়। যে ঘরটি সর্বাপেক্ষা প্রবল তাহার মধ্যদেশে এক প্রকাণ্ড জলের উৎস, ঐ উৎসের ঝরণা ছাদের নীচের দিকে যে আয়নার খিলান ছিল, সেই খিলান পর্য্যন্ত উ-

(৩৩)

চিত, সূর্য্যদেব তাহারই মধ্যদিয়া সেই জলের উপরে কিরণ প্রদান করিতেন, বড় বড় প্রশস্ত বাসনে যে সুন্দর সুন্দর পুষ্প বৃক্ষ ছিল, তাহারাও ঐ আয়নার মধ্য হইতে দিবাকরের কিরণ প্রাপ্ত হইত।

সমুদ্র রাজকন্যা এক্ষণে রাজার বাটী জানিতে পারিয়া বহুদিবসাবধি সঙ্ক্যা এবং রাত্রিকালে তমিকটবর্তী জলে যাইয়া কালক্ষেপণ করিত। পূর্বে তাহার আর যে যে ভগিনীরা সমুদ্রে মধ্য গিয়াছিল, তাহারা সাহস করিয়া ভটপর্বাস্ত যাইতে পারে নাই, কিন্তু কিছু ভয় না করিয়া সে তটের অনেক নিকটে গিয়াছিল; দেখানেও রাজকুমারের দেখা না পাইয়া বৈঠকখানার বারাণ্ডার নীচে যে একটা অপ্রশস্ত খাল ছিল, সে তাহারও ভিতরে গিয়াছিল, ঐ খাল সেই বারাণ্ডার এত নিকটে ছিল, যে তাহার অতি বিশাল ছায়াটা উহার জল মধ্যে পড়িত। অবলা কন্যা ঐ স্থানেই বসিয়া এক দৃষ্টি সেই হৃদয়ের ধন যুবরাজ কুমারকে নিরীক্ষণ করিয়া বেড়াইত। কিন্তু রাজনন্দন তাহার কিছুই জানেন নাই। মনে করিতেন এমন রমণীয় জ্যোৎস্নার আলোকে আমি একলাই বসিয়া আছি।

অনেকবার দিবাবসান সময়ে সে দেখিত যে রাজপুত্র খালের মধ্যে একখান লোকরোহণ করি-

য়া পরমানন্দে ক্রীড়া করিয়া বেড়াইতেছেন, আর ঐ তরুণির অভ্যন্তরে কতইবা বাদ্যের শব্দ, ও তাহার কত প্রকার বিচিত্র বর্ণের নিশাণ দ্বারা শোভিত, তাহা বর্ণনা করা যায় না। খালের ধারে যে সবুজ বর্ণ খাগড়ার বন ছিল, সে তাহারই তিতরে গমন করিয়া ঐ সকল গীত বাদ্য শুনিত; তাহার রোপ্যবৎ শুভ্র বর্ণের ঘোমটাটি বায়ুদ্বারা উড়িয়া পড়িলেও লোকেরা বোধ করিত বুঝি কোন হংস পক্ষি আপন পাখাছুটি প্রসারিত করিয়া জল মধ্যে পড়িয়া রহিয়াছে।

অনেকবার রাজিকালে ধীবরেরা মৎস্য ধরিবার নিমিত্ত বাতি জ্বালিয়া সেই খালের জলে জাল বিস্তারিত করিত। জাল পাতা হইলেই জ্বালিয়ারা তমাক খাইতে খাইতে অনেক কথা কহিয়া থাকে, অতএব তাহারাও রাজ কুমারকে প্রশংসা করিয়া অনেক কথা কহিত; যেরূপে তিনি সাগর তরঙ্গে পতিত হইয়া আলোড়িত সমুদ্রজলে ভাসিতে ভাসিতে অর্দ্ধ মৃতবৎ হইয়াছিলেন, যেরূপে তাঁহার জীবন রক্ষা হইয়াছিল, তাহারা এই সকল কথা কহিত, রাজকন্যা তাহা শ্রবণ করত আপনাকে তাঁহার বিপদোদ্ধারের মূল কারণ জানিয়া বিপুলানন্দে মগ্ন হইতেন।

রাজকুমার সমুদ্র জলে মগ্ন হইলে তন্মস্তকটি

আপন বক্ষস্থলে রাখিয়া তাহার মুখমণ্ডলে যে সে শত শত চুম্বন করিয়াছিল, সে সকলই তখন তাহার মনে পড়িত, কিন্তু রাজনন্দন ইহার কিছুই জানেন নাই এবং স্বপ্নেতেও তাহাকে একবার মনে করেন নাই। এইরূপে সে পূর্বাপেক্ষা মনুষ্যজাতিকে অধিক প্রেম করিতে লাগিল, মনে বড়ই ইচ্ছা তাহাদের সহিত সর্বদা থাকিয়া এক সঙ্গে ভ্রমণ করিতে পারে, কেননা যে জগতে সে বাস করিত তদপেক্ষা তাহাদের বসতি ভূমণ্ডল সে অতি সুন্দর এবং প্রশস্ত বোধ করিত। এক একবার মনে করিত, আহা! মনুষ্যজাতি কি অদ্ভুত কৌশল জানে, তাহারা জাহাজ দ্বারা এতদূর বিস্তারিত সমুদ্র পার হইয়া যায়, যে সকল পর্বত শিখর মেঘগণের উপরিভাগ পর্য্যন্ত উঠে, তাহাতেও তাহারা অনায়াসে গমনাগমন করে, এবং তদধিকারস্থ ভূমি ময়দান এবং বন সকল এমন বিশাল, যে নানাবিধ যত্ন পূর্বক আমি তাহা দর্শন করিতে চাহিলেও তাহা দর্শনাতীত হয়।

পৃথিবীস্থ অনেক বিষয় জানিত না বলিয়া সে আপন ভগিনীদিগকে তাহা জিজ্ঞাসা করিত, কিন্তু তাহারাও প্রতুত্তর দ্বারা তাহাকে সন্তোষ করিতে পারিত না; একারণ রুদ্ধা পিতামহীর নিকটে গমন করিয়া সে ঐ সকল বিষয়ের প্রশ্ন করিত, রাজমাতা

(৩৬)

উপরিস্থিত জগতের বিবরণ ভালরূপে জানিত, অতএব যথার্থতঃ উহাকে জগৎ বলা উচিত নয় জানিয়া, সমুদ্রের উপরিভাগস্থিত ভূমি বলিয়া ডাকিতেন।

ক্ষুদ্র মৎস্যনারী জিজ্ঞাসা করিল, যদি মনুষ্য জাতি জলমধ্যে ডুবিয়া মরে না, তবে কি তাহারা চিরকাল বাঁচে? এখানে সমুদ্রের তিতর বাস করিয়া আমরা যেমন কাল আসিলেই মৃত্যুর হস্তে পতিত হই, তাহারা কি তেমন হয় না?

এই সকল প্রশ্নের উত্তর প্রদানে বুদ্ধা রাণী কহিলেন, হাঁ অবশ্য আমাদের ন্যায় তাহারাও মরিয়া থাকে; তাহারা আমাদের অপেক্ষা অধিক দিন বাঁচেনা, অত্যাঙ্গকালের মধ্যেই কালগ্রাসে পতিত হইয়া থাকে। তিন শত বৎসর পর্যন্ত আমাদের পরমাণু, কিন্তু মরিলেই আমরা একেবারে সমুদ্রের ফেনা হইয়া যাই, আমাদের মৃতদেহ পর্যন্ত থাকেনা, সকলই ফুরাইয়া যায়। আমাদের আত্মা অমর নহে, এজন্য আমরা মরিলে আর কোন হুতন জীবন প্রাপ্ত হইনা, সবুজবর্ণ খাগড়া গাছের সহিত তুলনা করিলে আমাদের সঙ্গে তুলনা হইতে পারে, তাহাদিগকে একবার কাটিয়া ফেলিলে পুনঃজীবন প্রাপ্ত হইয়া আর তাহারা প্রবল হইয়া উঠে না, আমরাও সেইরূপ মরিলে আমারদের

(৩৭)

সকলই বিনাশ পায়। কিন্তু মনুষ্যজাতি সেরূপ নহে, তাহাদিগের আত্মা অনন্তকাল পর্যন্ত থাকে, মরণের পর তাহাদের মৃত শরীর অগ্নি দ্বারা দগ্ধ করিয়া ফেলিলেও ঐ নির্মূল শূন্যমার্গের উপরিভাগে যে জ্যোতির্ময় নক্ষত্র লোক দেখিতেছ, সে স্থান পর্যন্তও তাহাদের অমর আত্মা যায়। আমরা যেমন মনুষ্যজাতির যাতায়াত দেখিতে জলের উপরিভাগে উঠি, তাহারাও তেমনি সেই অজ্ঞাত অপরিচিত আনন্দ স্বরূপ দেশে ভ্রমণ করে।

এই কথাতে হুঃখিতা হইয়া অপ্পবয়স্কা মৎস্যনারী পিতামহীকে জিজ্ঞাসা করিল, তবে আমাদেরও কেন অমর আত্মা নাই? শত শত বর্ষ বাঁচিবার পরিবর্তে মনুষ্যজাতি হইয়া যদি এক দিন বাঁচি তাহাও ভাল, আমি ইচ্ছাপূর্বক শত বর্ষ পরমাণুও এক দিনের জন্য পরিবর্ত করিতে প্রস্তুত হইয়াছি, তাহা হইলেই সেই অনন্ত সুখ সন্তোগ করণের আশা সকল হইতে পারিবে। বুদ্ধা কহিলেন, তুমি এমন বিবেচনা কখনই করিও না, উপরিস্থিত মনুষ্যজাতি অপেক্ষা আমরা এইস্থানে পরম সুখে বাস করিতেছি।

কনিষ্ঠা রাজকন্যা বলিল, আহা! কি হুঃখ মরিলেই আমি সমুদ্রের ফেনা হইয়া জলের উপরে

(৩৮)

ভাসিয়া ভাসিয়া বেড়াইব, তরঙ্গের যে মধুর শব্দ
আর তাহা শুনিতে পাইব না, সুন্দর সুন্দর পুষ্প
সকল এবং অতি মনোহর রঞ্জিত বর্ণের সূর্য্য প্রভৃ-
তি আর আমার চক্ষুর্গোচর হইবে না, ওগো দিদি!
তোমাকে জিজ্ঞাসা করি, তাহার পর অমর আত্মা
পাইবার কি আর কোন উপায় নাই?

প্রাচীনা সমুদ্ররাণী কহিলেন, না তাহা কথই
হইবে না, যদিও কোন মনুষ্য তোমাকে আপন
পিতা মাতা অপেক্ষা অধিক প্রেম করে, যদিও
তাহার সমুদায় ভাবনা এবং প্রেমাদি সকল স্নেহ
তোমারই উপরে বর্তে; যদিও তাহার কুল পু-
রোহিত মন্ত্রপাঠ দ্বারা তাহার দক্ষিণ হস্ত তোমার
মস্তকে প্রদান করাইয়া প্রতিশ্রুত করান যে
ইহকালে এবং পরকালে তোমার নিকটে যথার্থিক
ব্যবহার করিয়া তোমাকে প্রদ্বা ভক্তি করিবে, তবে-
ই তাহার আত্মা তোমার শরীরে যাইতে পারিবে;
এবং তাহা হইলেই মনুষ্যজাতি যে মুখ সন্তোষ
করে তাহার অংশী হইতে পারিবে। কিন্তু মনে
রাখ, সে আপন আত্মা তোমাকে দিলেও তাহার
আত্মা তাহাকে একেবারে পরিত্যাগ করিবেন।
তুমি বাছা বালিকা, অধিক কথা কথনের প্রয়োজন
কি আছে? যাহা তোমাকে বলিলাম তাহা কখন
ঘটিতে পারে না। আমরা সমুদ্রবাসী লোক, মৎ-

(৩৯)

স্যালাঞ্জুলে আমাদের যেরূপ সুন্দর দেখাইয়া
থাকে, পৃথিবীস্থ লোকেরা তাহার শ্রেষ্ঠত্ব না জা-
নিয়া তাহা অতি অকিঞ্চিৎকর এবং কদর্যা
বোধ করে, তাহাদিগের কাছে রূপবান দেখাই-
বার নিমিত্ত মোটা মোটা মাংসল দুইটি অবলম্ব
প্রয়োজনীয় হয়, যাহাকে তাহারা পদদ্বয় কহে।

ক্ষুদ্রা মৎস্যনারী তখন এই সকল কথা শ্রবণ
করত আপনার মৎস্যস্যালাঞ্জুলের প্রতি দৃষ্টি করিয়া
অনেক হুঃখ করিতে লাগিল।

প্রাচীনা রাজমাতা বলিতে লাগিলেন, বাছা!
তুমি হুঃখ করিওনা, ক্ষোভ করা কোনমতেই উ-
চিত নয়, আইস আমরা আমোদ প্রমোদে কাল-
যাপন করি, বিবেক শক্তি দ্বারা আমার বিবেচনা
হইতেছে যে তিন শত বৎসর আমরা ইহলোকে
থাকিব, তাহাই আমাদের পক্ষে যথেষ্ট, এইকাল
যদি লক্ষ বাষ্প দ্বারা আমরা মুখে কাটাইতে পারি,
তাহা হইলে ভাবি মুখের বড় একটা আকাঙ্ক্ষা
থাকিবে না, একারণ শুন বাছা মনোহুঃখ নিবারণ
কর, অদ্য রাত্রিকালে রাজসভাতে একটা ভূরি
ভোজ আছে।

এই ভোজের সময়ে সমুদ্রবাসী লোকেরা যে
রূপ ঘটী করিয়া আপনাদিগের উৎসব সম্পন্ন
করে, আমরা পৃথিবীতে বাস করিয়া তাদৃশ ঘটী

(৪০)

কখন চক্ষেও দেখিতে পাইব না। যে দালানের মধ্যে ঐ ভোজ প্রস্তুত হইয়া থাকে তাহার দেওয়াল এবং ছাদের নিম্ন দিকটা অতি স্বচ্ছ মোটা মোটা কাঁচ দ্বারা নির্মিত, উহার প্রত্যেক দিকেই শত শত প্রকাণ্ড প্রকাণ্ড কস্তুরী শঙ্খ সারি সারি ঝুলান হইয়াছে। আঁহা! তাহার সৌন্দর্যের কথা কি কহিব, কতকগুলীন ঘোর রক্তবর্ণ, আর কতকগুলীন তৃণবৎ হরিদ্বর্ণ ছিল, উহা হইতে যে প্রজ্বলিত শিখা বহির্গত হইত, তাহা নীলবর্ণ হওয়াতে সমুদায় দালান টা একেবারে আলোকময় হইয়াছিল, দেওয়ালের উপরিভাগে তাহারা স্থাপিত, এজন্য তাহা দিয়া উহাদের আভ্যক্রমে প্রজ্বলিত রূপে বাহির হইলে সমুদ্রের চারিদিক ক্রমে আলোক ময় হইয়া উঠিত, অগণ্য বৃহৎ এবং ক্ষুদ্র মৎস্য ঐ কাচ নির্মিত দেওয়ালের মধ্য দিয়া সস্তরণ করিয়া বেড়ায়, কতক গুলার গাত্র মধ্যে লোহিতবর্ণের আইষ, কতক গুলার স্বর্ণ এবং রৌপ্যবৎ শল্ক দ্বারা অতি চকচক্য হইয়াছিল।

সেই ভোজ গৃহের মধ্য দিয়া একটা স্রোত নিঃসরণ হয়, মৎস্যনর এবং মৎস্যনারীরা তাহারই উপরে দণ্ডায়মান হইয়া আপনাদিগের রীতানুসারে নৃত্য গীতাদি করে, তাহাদের কেমনই বা সুমধুর স্বর! মনুষ্যজাতির। সহস্র বৎসর অভ্যাস করিলেও

(৪১)

ভেমন স্বর পাইতে পারেনা। কনিষ্ঠা রাজতনয়া গায়নীদিগের মধ্যে সৰ্ব্ব প্রধানা, তাহার মত সুস্বর কোন মৎস্যনারীরই ছিল না, তাহার গানে রাজসভাসদগণ সকলেই অতি মোহিত হইয়া আপনাদিগের হস্ত এবং লাক্ষ্মীলোলন পূর্বক কত প্রশংসা করিতে লাগিল; ঐ যুবতী মৎস্যনারী জানিত পৃথিবী এবং সমুদ্রের মধ্যে কেহই আমার ন্যায় গান করিতে পারে না, অতএব তাহাদিগের প্রশংসাতে অত্যাশঙ্কালের জন্য কিছু মুখ বোধ করিল। কিন্তু পর ক্রমেই উপরিস্থিত জগতের বিষয় তাহার মনে হইলেই সে বিপুল হৃৎখে পুনরায় পড়িল; একে রাজকুমার অতি রূপবান তাহাতে আবার তাঁহার অমর আত্মা আছে, যে আত্মা নাই বলিয়া তাহার মনোহৃৎখ এত, সে সমুদায় ভুলিয়া আর কতকাল থাকিতে পারে? পিতৃ অটালিকার গীত মুহোৎসবাদি পরিত্যাগ পূর্বক লুকায়িত ভাবে আসিয়া ক্ষুদ্রাঙ্গুঃকরণে আপন ক্ষুদ্র উদ্যানের মধ্যে বসিয়া রহিল। এখানে শুনিতে পাইল যে জলের মধ্য হইতে একটা তুরীর শব্দ আসিতেছে।

বাদ্যশুনিয়া তখন সে মনে মনে চিন্তা করিতে লাগিল, যে আমার হৃদয়ের ধন, তাহার জন্য দিব্যরাজি আমি ভাবনা করিয়া থাকি, ইহলোকের

যত মুখ আমি ইচ্ছাপূর্বক যাহার হস্তে সমর্পণ করিয়াছি, সেই বুঝি জাহাজারোহণে সমুদ্র মধ্যে ভ্রমণ করিয়া বেড়াইতেছে। যে কোন কৌশলে ইউক না কেন, কোন না কোন প্রকারে আমি তাহার মন হরণ করিয়া অমর আত্মা প্রাপ্ত হইবার বিশেষ উদ্যোগ করিব। ভগিনীরা সম্পূর্ণ পিতার দুর্গমধ্যে নৃত্য করিতেছেন, এই সুযোগে আমি সমুদ্র ডাকিনীর নিকটে গিয়া জানাই, এককাল তাহাকে ভয় করিয়া কখন আমি কোন কথা জিজ্ঞাসা করি নাই বটে, কিন্তু বোধ হয় সে আমার পূর্বাবস্থা দেখিয়া অবশ্যই সংপরামর্শ দ্বারা আমাকে এ বিষয়ে কোন সাহায্য করিতে পারিবে।

ঘূর্ণিত জলের পশ্চাত্তাগে সমুদ্র ডাকিনীর বাসস্থান, অবলা মৎস্যনারী স্বীয় উদ্যান পরিভাগ পূর্বক সেই স্থানেই গমন করিল। সে পূর্বে এ পথে কখন যায় নাই। সেখানে পুষ্প বা সমুদ্রীয় তৃণ কিছুমাত্র জন্মায় না; কুমরের চাকে বলপূর্বক পাক লাগাইলে যেমন তাহা ভেঁ ভেঁশক্কে ঘূর্ণায়মান হয়, সেখানকার বারিও তদনুক্রমে ঘূর্ণিত হইয়া উপরিভাগে যাহা পাইত, অধোভাগের গভীর স্থানে তাহাই নিক্ষেপ করিত। এই সমুদায় ঘূর্ণিত জলের মধ্য দিয়া মৎস্যনারীকে সেই ডাকিনীর রাজ্যে যাইতে হইয়াছিল, হয়তো

তাহাকে সে নির্দয় স্থানের করাল কবলে পতিতা হইতে হইত; ভাল উহাও না হয়, পার হইয়া সে নিরাপদে ঘাটক কিন্তু নিরাপদ কোথায়? তাহা ছাড়াইয়া গেলেও অনেক দূর পর্য্যন্ত কোন পথ ঘাট নাই, সেখান হইতে যত দূর যাইতে হইবে সে সকলই অতিউষ্ণ পঙ্কযুক্ত স্থান বজ্জ বজ্জ করিতেছিল। তৎপশ্চাতে অভ্যাশ্চর্য্য বনের মধ্যে তাহার বসদ্বাটী, ভ্রূহ বন এবং ঝোপ ঝাপ গুলান অভ্যস্ত। তাহা অর্দ্ধ জন্তু এবং অর্দ্ধ বৃক্ষবৎ ছিল, দেখিলেই বোধ হইবে যেন শতমুখী সর্প সকল ভূমি হইতে উৎপন্ন হইয়াছে; উহাদের শাখা সকল দীর্ঘ দীর্ঘ বাহুর ন্যায় চক্ চক্ করিতেছিল, কিঞ্চুলুকা যেরূপ স্বাভাবিক নমনীয়, যে দিকে ইচ্ছা সেই দিকেই নোয়ান যাইতে পারে, উহাদের অঙ্গুলীও সেইরূপ ছিল, মূল অবধি আগ পর্য্যন্ত যে সকল গাঁইট আছে, তাহা ইচ্ছাক্রমে যেমনে ইচ্ছা তেমনেই বাঁকান যায়। উহারা সমুদ্রস্থিত বস্তু সকল জড়িয়া ধরিত, কিন্তু পুনর্বার তাহা ছাড়িত না। অল্প বয়স্কা মৎস্যনারী তাহাদিগকে দেখিবাতে ভয়ে তাহার বক্ষস্থলটি টিপ্ টিপ্ করিতে লাগিল, একবার ইচ্ছা করিল আমি ঘরে ফিরিয়া যাই; কিন্তু পরক্ষণেই পরমসুন্দর রাজপুত্র এবং মনুষ্য জাতিদের

অমর আস্রা তাহার মনে পড়িলেই সে কিছু সাহস প্রাপ্ত হইল। আপনার পৃষ্ঠস্থিত লম্বা কেশগুলীকে বিনাইয়া বিনাইয়া এমনি পেঁচ লাগাইল যেন তাহার কোন প্রকারে তাহার বেণী ধরিতে না পায়; হাত দুটা জড়বড় করিয়া আপনার বক্ষস্থলে রাখিল, মৎস্যের জলের মধ্যে চৌ চৌ শব্দে যেমন বেগে চলিয়া যায়, সেও পূর্কোক্ত ব্রহ্মগণের মধ্যদিয়া সেইরূপ দ্রুত গমন করিল, গাছ সকল আপনার অঙ্গুলী ও বাহু বিস্তারিয়া পিছু পিছু তাহাকে ধরিবার চেষ্টা করিতে লাগিল, যাইতে যাইতে সে দেখিতে পাইল নৌহ মুক্তি যেকপ শব্দ, তাহাদের ও হস্তগুলা সেইরূপ, তাহাদের শত শত ক্ষুদ্র মুষ্টির মধ্যে কত বস্তু দৃঢ়রূপে ধৃত হইয়া রহিয়াছে। যে সকল মনুষ্য সমুদ্রে জলে নিমগ্ন হইয়া প্রাণত্যাগ করিয়াছে, তাহাদের শুভ্রবর্ণ অস্থি গুলা সে ঐ ব্রহ্মগণের হস্ত মধ্যে দেখিল। পৃথিবী সম্পর্কীয় নৌকার হাইল, সিম্চুক, এবং আর আর জন্তুদিগের অস্থি প্রভৃতি সকলই তাহাদের করতল মধ্যে রহিয়াছে, ক্ষুদ্রা মৎস্যনারী পর্যন্ত তাহাদের হস্ত হইতে পরিত্রাণ পায় নাই। সে দেখিল যে ঐ নির্দয় গাছ সকল একটা মৎস্যনারীকে ধরিয়া শ্বাস রোধ করত তাহার প্রাণ সংহার কসিয়াছে। বোধ হয় এই ভয়ানক ব্যাপার দেখিয়া আশ-

ক্রম প্রযুক্ত সে অতিশয় আশ্চর্য হইয়াছিল। বিরহিণী খানিক দূর যাইতে যাইতে বন মধ্যে একটা দল দল্য কদম স্থান পাইল, তথায় বড় বড় জল সর্প সকল পঙ্কতে অবলুণ্ঠিত হইয়া আপনারা দিগের অতি কুৎসিত লালচে শরীরটা দেখাইতেছে। এই জঘন্য স্থানের মধ্যে জলজ ভগ্ন দ্বারা যে যে মনুষ্য জলে ডুবিয়া আপনারা দিগের জীবন পরিত্যাগ করিয়াছে, তাহাদেরই অস্থি দ্বারা একটা বাটা নির্মিত হইয়াছিল, তাহার তিতরেই সমুদ্র ডাকিনীর বাস, আমরা যেমন ময়না পাখীকে ছাতু, চিনি, ঘি মিশ্রিত গুলিপাকাইয়া খাওয়াই, সেও সেইরূপ একটা তেক লইয়া ভক্ষণ করিতেছিল। কদাকার মোটা মোটা ধোঁড়া সাপ গুলাকে সে কুকুট শাবক কহিত, তাহারা তাহার বক্ষস্থল পর্যন্ত চলিয়া গেলেন সে কিছু বলিত না।

সমুদ্রে ডাকিনী কহিল, মৎস্য কন্যে! তুমি যে জন্যে আমার নিকটে আগমন করিয়াছ, তাহা আমি জানি। শুন বাছা রাজকন্যে তুমি মনোভীষ্ট সিদ্ধ করিতে বাসনা করিলেই তারি বিপদ গ্রস্তা হইবে, তথাপি তাহা সম্পন্ন করিতে চাহ, ভাল, কর, কিন্তু ইহা অতি নিকোঁধের কর্ম। আমি বুঝিয়াছি তুমি আপন মৎস্য লাজুল হইতে মুক্ত হইয়া যে ছই অবলম্ব দ্বারা মনুষ্যজাতি ইতস্ততঃ ভ্রমণ ক-

রিয়া বেড়ায়, তাহা প্রাপ্ত হইতে চাহ, মনে মনে স্থির করিয়াছ তাহা হইলেই যুবা রাজকুমার তোমাকে প্রেম করিয়া বিবাহ করিবেন, এবং পণ্ডিত রূপ তাঁহার অমর আত্মাটি তোমাকে যৌতুক দিবেন। এই প্রকার বিক্রপ করিতে করিতে বুদ্ধ ডাকিনী তাহাকে খেদাইয়া দিবার নিমিত্ত এমনি উচ্চশব্দে হাস্য করিয়া উঠিল যে তন্মুখস্থিত তেজ এবং সর্প গুলা ভূমিতে পড়িয়া ছট্ ফট্ করিতে লাগিল। তখন কুহকিনী, রাজতনয়াকে সন্মোদন করিয়া কহিল, ওগো বাছা রাজকন্যে তুমি অতু-পযুক্ত সময়ে আমার বার্তীতে অধিষ্ঠান করিয়াছ, যদি এস্থানে কল্য স্বর্ঘ্যোদয়ের পর আসিতে, তবে আমি আর এক বৎসর গত না হইলে তোমার কোন সাহায্য করিতে পারিতাম না। এক মাত্র ঔষধ প্রস্তুত করিয়া আমি তোমার হস্তেদি; তুমি তাহা নইয়া কল্য স্বর্ঘ্যোদয়ের পূর্বে সম্ভরণ করিতে করিতে সাগর তটবর্তী হইও, পরে সেখানে উপবেশন করিয়া একেবারে তাহা পান করিয়া ফেলিও। তদ্বারা তোমার মৎস্যপুচ্ছ অদৃষ্ট হইলে মনুষ্য জাতি যাহাকে উত্তম পরিকৃত পদ কহে তাহাই প্রাপ্ত হইতে পারিবে, কিন্তু মনে রাখিও অতি তীক্ষ্ণ খড়্গ হৃদয় বিদীর্ণ হইলে যেরূপ বেদনা হয়, তাহাতে তুমি সেইরূপ বেদনা পাইবে। প্র-

ত্যেক লোকেই তোমাকে দেখিবামাত্র কহিবে এমন রূপসী কন্যা আমি জন্মাবধি কখন দর্শন করি নাই, সমুদ্রে ভাসিলে তোমার যে প্রকার রূপ মাধুরী প্রকাশ হইত, ভূমিতে গমনাগমন কালে সেই প্রকার রূপ মাধুরী প্রাপ্ত হইতে পারিবে; কোন নর্তকীই তোমার ন্যায় সুচারুরূপে নৃত্য করিতে পারিবে না। কিন্তু একটি কথা আছে, অতি তীক্ষ্ণ জ্বরিকার উপরে পদ নিক্ষেপ করিলে রক্ত নির্গত হইবার যেরূপ আশঙ্কা জন্মিয়া থাকে, প্রত্যেক পদ নিক্ষেপ কালীন তোমার সেইরূপ আশঙ্কা হইবে। এখন রাজনন্দিনী! তোমায় জিজ্ঞাসা করি! এতাদৃশ কষ্ট যদি তুমি সহ করিতে পার, তবে আমি প্রাণপণে তোমার সাহায্য করিতে পারি।

অপ্নরয়ঙ্কা মৎস্যনারী রাজনন্দন এবং অমর আত্মা বিষয়ক চিন্তাতে অভিভূত হইয়া মুহূর্ত্তেরে উত্তর করিল, আমি এবস্থিৎ হুঃখ সহিব তাহার কোন সন্দেহ নাই, আপনি অনুগ্রহ করিয়া আমাকে সাহায্য করুন।

অপর ডাকিনী কহিল, তুমি ভালরূপে বিবেচনা করিয়া দেখ, মানবাকৃতি প্রাপ্ত হইলে পুনর্বার তুমি মৎস্যনারী হইতে পারিবে না। জল মধ্যে নিমগ্ন হইয়া স্বীয় ভগিনীদিগের নিকটে

অথবা আপন পিতার রাজত্ববনে কখনই আসি-
তে পারিবে না। রাজকুমার যদি তোমার নিমিত্ত
আপন পিতা মাতাকে সম্পূর্ণরূপে বিস্মৃত হইয়া
সমুদায় অন্তঃকরণের সহিত তোমাকে প্রেম না ক-
রেন, এবং পুরোহিতকে আনাইয়া মন্ত্র পাঠ পূর্বক
আপন হস্ত তোমার হস্তে সংমিলন করত যদি বি-
বাহ কার্য সম্পন্ন না করেন, তবে তুমি অমর
আত্মা কখনই পাইবে না, ওগো রাজনন্দিনী
রাজকুমারকে প্রেমরঞ্জু দ্বারা বশীভূত করা তো-
মার অমর আত্মা প্রাপ্ত হইবার একমাত্র উপায়
জানিও। যেদিন রাজমুত তোমায় পরিত্যাগ ক-
রিয়া অন্য কাহাকেও বিবাহ করিবেন, সেই দিন
তোমার অন্তঃকরণ বিদীর্ণ হইয়া একেবারে তুমি
তরঙ্গ ফেনায় লীন হইয়া যাইবে।

মৃত ব্যক্তির শব যেমন পাংশুবর্ণ হয়, বিরহিণী মৎ-
স্যনারীও তদ্রূপ পাংশুবর্ণ হইয়া ধীরে ধীরে বলিতে
লাগিল, ওগো! আমি স্থির প্রতিজ্ঞ হইয়াছি।
ডাকিনী বলিল, আমি যে তোমায় ঔষধ দিব,
তৎপরিবর্তে তুমি আমায় কি দিবে, তা বল, আমি
ইহার নিমিত্ত যাহা চাহি তাহা বড় একটা সামান্য
বিষয় নহে। সমুদ্রবাসী লোকদের মধ্যে তোমার
স্বর অতি মিষ্ট, বোধ করিতেছি, এই স্বরেই তুমি
রাজপুত্রকে মোহিত করিয়া প্রেমফাশি তাহার

গলদেশে দিবে, আমি সেই স্বরাভিলাষিণী, যদি
কিছু দিবার বাসনা থাকে, তবে ঐ স্বর আমাকে
দেও। তুমি ভালরূপে জান যে ঔষধ মাত্রা
আমি তোমাকে প্রদান করিতেছি, তাহার মূল্য
নিশ্চিত করিয়া কেই বলিতে পারে না, আমার
রক্ত ঐ ঔষধিতে মিশ্রিত হইলেই শাণিত
ধার খঞ্জবৎ উহা তীক্ষ্ণ হইয়া উঠিবে। একা-
রণ তোমার সদৃশের মধ্যে যেটি সর্বশ্রেষ্ঠ
গুণ তাহাই আমি তৎপরিবর্তে পাইতে বাসনা
করিয়াছি।

অপবয়স্কা মৎস্যনারী কহিল, তুমি আ-
মার স্বর লইলে আর কি থাকিবে তা বল?
ডাকিনী কহিল, কেন, তোমার মনোহর রূপ,
মুচাক গমন এবং মৃগ নয়নবৎ চক্ষু দ্বারা তুমি
মনুষ্যের অন্তঃকরণকে হরণ করিয়া মোহিত করি-
তে পারিবে। ভাল তোমার কি কোন সাহস নাই?
অনেক কথার প্রয়োজন করে না, জিহ্বা বহির্গত
কর; আমি আপন ঔষধের মূল্য স্বরূপ তাহার
কিয়দংশ কাটিয়া লই, তাহা হইলেই তুমি
তোমার অনুল্য ঔষধ মাত্রা পাইবে।

মৎস্যনারী কহিল, তুমি যাহা বলিতেছ, তাহাই
হইবে। ডাকিনী এই কথা শ্রবণ করিয়া ঔষধ
প্রস্তুত করণার্থ আপনার লৌহ কটাহ খান আ-

(৫০)

নিয়া অগ্নির উপরে চড়াইল। কটাহ পরিষ্কৃত রাখা আবশ্যিক বলিয়া সে গোটাকতক সর্প দ্বারা কড়াইখান উত্তমরূপে মার্জিত করিয়া ফেলিল। আপন বক্ষঃস্থলে কাঁটা মারিয়া কৃষ্ণবর্ণ রুধির বাহির করত ঐ পাত্র মধ্যে ফেলিয়া দিল। তাহাতে সেই কটাহের ধূম শূন্যমার্গে এমনি উখিত হইল, যে ভয়ে কম্পমান না হইয়া কোন ব্যক্তিই তাহার প্রতি দৃষ্টিপাত করিতে পারে না। ক্ষণে ক্ষণে নূতন সামগ্রী আনিয়া ডাকিনী ঐ কটাহ মধ্যে নিক্ষেপ করি-
বাতে, সিদ্ধ হইবার কালীন তাহা কুম্ভীরের ন্যায় গর্জন করিতে লাগিল। পরে ঔষধমাত্রা প্রস্তুত হইলে উৎস নির্বার স্বভাবতঃ যেরূপ নির্মল হয়, উহা সেইরূপ নির্মল হইল। অনন্তর এই তোমার ঔষধ লও, ইহা বলিয়া ডাকিনী সেই মৎস্যনারীর জিহ্বা কাটিয়া ফেলিবাতে সে একেবারে বোবা হইয়া পড়িল, না গান গাইতে পারে, না কথা কহিতে পারে।

ডাকিনী বলিল, বন দিয়া প্রত্যাগমন কালে যদি জন্তুবৎ সেই বৃক্ষগণ তোমাকে পরিবার চেচা করে, এই ঔষধির এক ফোঁটা তাহাদের গাত্রে ছিটিয়া দিলেই তাহাদিগের বাহু এবং অঙ্গুলী সকল একেবারে সহস্র খণ্ডে চূর্ণ হইয়া যাইবে।

(৫১)

আকাশমণ্ডলে নক্ষত্রগণ উদ্ভিত হইলে যেরূপ মিট মিট করিতে থাকে, মৎস্যনারীর হস্তস্থিত ঔষধি সেইরূপ আভা প্রকাশ করিয়া চিক্ মিক্ করিতে-
লাগিল, বৃক্ষগণ তাহা দেখিয়া আশঙ্কায় কম্পমান হইত, একধারে হেলিয়া পড়িল একারণ সেই ঐ-
ন্দ্রজালিক ঔষধি তাহাদের অঙ্গে প্রোক্ষণ করি-
বার কোন প্রয়োজন হইল না। বন বাদা এবং ভয়ঙ্কর ঘূর্ণিত বারির মধ্যদিয়াও সে অনায়াসে শীত্ৰং পার হইয়া গেল।

পিতার বাটীতে উপস্থিত হইয়া দেখে, যে দালানে লোক সকল উপবেশন করিয়া নৃত্যগীতাদি কৰ্ম সমাধা করিয়া ছিল, তত্র-
স্থিত তাবৎ মশালই নির্ঝাণ হইয়াছে, অস্তঃপুরে সকলেই নিদ্রিত, একে বোবা হইয়াছে, তাহাতে আবার চিরকালের জন্য তাহাদিগকে পরিত্যাগ করিতে উদ্যত; এজন্য সে সাহস করিয়া তাহা-
দের কোন অনুসন্ধান লইতে পারিল না। মনের উদ্বেগে তাহার বক্ষঃস্থলটা যেন কাটিয়া যাইতে-
ছে। আন্তে আন্তে স্বীয় ভগিনীদিগের উদ্যান মধ্যে প্রবেশ করিয়া সে সকল বৃক্ষ হইতে এক একটি পুষ্প চয়ন করিল, বারম্বার হস্ত দুইটি রাজবাটীতে স্পর্শ করে, এবং বারম্বার তাহা চুষন

করে, এইরূপ করিতে করিতে নীলবর্ণ জলের মধ্যদিয়া উপরিভাগে উঠিল।

রাজপুত্রের প্রস্তুতময় সিঁড়ির নিকটে পৌঁছিয়া যখন সে তাহার গড়ের প্রতি অবলোকন করিতে লাগিল, তখন পর্য্যন্তও সূর্য্যোদয় হয় নাই। ক্রমশঃ দ্বারা চারিদিক উজ্জ্বলীকৃত। মৎস্যনারী তটোপরি উপবেশন করিয়া একেবারে সেই অতি তীক্ষ্ণ প্রজ্বলিত স্নানের ন্যায় ঔষধমাত্রা পান করিয়া ফেলিল। গলাধঃকরণ হইবামাত্র যেন শাণ্ডিত্যধার ধ্বজ তাহার কোমল শরীরে বিদ্ধ হইয়া গেল। তাহাতে সে মুছাপন্ন হইয়া একেবারে নিরীক হইয়া পড়িল। পরে সূর্য্যোদয় হইলে সে চৈতন্য পাইয়া উঠিল বটে, কিন্তু বক্রগায় অস্থির; চক্ষু উন্মীলন করিয়া দেখে, যে রাজকুমার তাহার সম্মুখ ভাগে দণ্ডায়মান হইয়া রহিয়াছেন। তিনি মনোভিনিবেশ পূর্ব্বক এক দৃষ্টে তাহার প্রতি নিরীকণ করাতে সে অধোবদন করিয়া ভূমির প্রতি চাহিয়া রহিল, তাহাতে সে দেখিতে পাইল তাহার মৎস্যলাঙ্গুল একেবারে বিলুপ্ত হইয়া গিয়াছে, যুবতী স্ত্রীলোকে যে পদ পাইবার অভিলাষ করিয়া থাকে, এমন দৃষ্টি স্তম্ভবর্ণের ছোট ছোট অতি মনোহর পদ পাইয়াছে। অঙ্গে কিছুমাত্র পরিধেয় নাই, কি করে আপনার সুদীর্ঘ কেশ দ্বারা তাবৎ

অঙ্গটা ঢাকা দিয়া লজ্জাতে অধোমুখে বসিয়া আছে। এমত সময় রাজপুত্র জিজ্ঞাসা করিলেন, তুমি কে? কোথা হইতে আসিয়াছ, কেন ইবা এখানে আইলে? বালিকার রসনা নাই, কিরূপে কথা কহিতে পারিবে, অতএব মনের শোকে আপনার নীলবর্ণ চক্ষুরন্মীলন করিয়া রাজপুত্রের প্রতি মাধুর্য্যভাবে এক একবার দৃষ্টিপাত করিল, তদ্বারা রাজনন্দনের অন্তঃকরণে দয়ার সঞ্চার হইলে তিনি তাহার হস্ত ধরিয়া রাজপ্রাসাদে আনয়ন করিলেন। পূর্ব্বক ডাকিনী তাহাকে সতর্ক করিয়া দিয়াছিল, তীক্ষ্ণ ছুরিকা অথবা সূচির উপরে পদ প্রক্ষেপ করিলে যেরূপ বেদনা বোধ হয়, প্রতিধাপে পা দিলেই তোমার সেই রূপ ক্লেশ হইবে, সিঁড়ী দিয়া রাজ বাটীতে প্রবেশ করিলেন তাহার কথা মথার্থ বোধ হইল, কি করিবে ইচ্ছা পূর্ব্বক কে তাহা সহ করিয়া থাকে, রাজনন্দন স্বয়ং তাহার হস্ত ধরিয়া লইয়া যাইতেছেন, একারণ সাবানকে ঘর্ষণ করিলে তাহা যেমন ক্রমশঃ বুদ্ধবুদ্ধ কাটিতে থাকে, সেই রূপ সে আস্তে আস্তে চলিতে লাগিল, তিনি এবং প্রত্যেক ব্যক্তিই তাহার সুচারু গমন দেখিয়া অতিশয় চমৎকৃত হইলেন।

রাজ বাটীতে নীত হইলে পর ভৃত্যেরা অতি দামি রেশমি বস্ত্র আনাইয়া তাহাকে সুন্দর রূপে

পরহীয়া দেওয়ানে এমত শোভা হইল যে তত্না
রূপসী কন্যা কেহই আর রাজ ভবনে দৃষ্টি হইল
না, কিন্তু সে বোবানা গান গাইতে পারে, না কথা
কহিতেই পারে। সুন্দরী সুন্দরী দাসী সকল স্বর্ণা-
লঙ্কারে ভূষিত হইয়া মনোরম বেশে রাজ পুত্র
এবং তাঁহার পিতা মাতার সমীপে নৃত্য গীত
করিতে আইল। তন্মধ্যে এক জনের অতি সুমধুর
স্বর, রাজ নন্দন তাহা শ্রবণ করিয়া আনন্দে কর-
তালি দিয়া ঈষৎস্বাস্য করিতে লাগিলেন। ইহাতে
ঐ মৎস্যনারী অস্তঃকরণে বড় শোক পাইল।
কেননা সে জানিত আমি কতবার ইহাদিগের
অপেক্ষাও মধুর স্বরে গান করিয়া সমুদ্রে বাসী
লোক দিগকে সন্তুষ্ট করিয়াছি, আহা! কুমার যদি
জানিতেন যে তাঁহার নিকটেই আসিবার কারণ
অনন্তকালের নিমিত্ত আমার সেই স্বর নষ্ট হই-
য়াছে, তবে কত ভাল হইত।

পরে দাসীগণ নানাবিধ মতে অঙ্গ ভঙ্গি
করিয়া সুচারুরূপে বাদ্যের তালে তালে নৃত্য ক-
রিতে লাগিল। মৎস্যনারী নর্তকীদের বেলয়
নৃত্য দেখিয়া আপন নৃত্য সম্বরণ আর করিতে
পারিল না, আপনার অতি সুন্দর শুভ্রবর্ণ হস্ত দুটি
উত্তোলন করিয়া পদাঙ্গুলির অগ্রভাগে নির্ভর
করত দণ্ডায়মান হইল, একবার দর্শকদিগের

প্রতি কটাক্ষ দৃষ্টি করে, এক একবার অঙ্গ ভঙ্গি
দ্বারা সুচারুরূপে ইতস্ততঃ মেঘ্যার মধ্যে নৃত্য
করিয়া বেড়ায়, দেখিয়া সকলেই মোহিত, এবং
সকলেই এক বাহক্য স্তীকার করিল, যে পূর্বে কখন
এমন নৃত্য আমাদের চক্ষুর্গোচর হয় নাই। যত-
বার চলে ততবারই সূতন সৌন্দর্য্য হয়, তাহাতে
আবার অমন সুন্দর মুগনয়নের কটাক্ষ দৃষ্টি,
রাজকুমার আর কতকাল স্থির হইয়া থাকিবেন,
দাসীদিগের সংগীত দ্বারা তাঁহার মনে চাঞ্চল্য
হয় নাই, কিন্তু মৎস্যনারীর কটাক্ষ বাণ এক
বারে তাঁহার হৃদয় বিদীর্ণ করিল। দর্শক-
দিগের মধ্যে প্রত্যেক ব্যক্তিই তাহার নৃত্য
দেখিয়া বিপুলানন্দে মগ্ন হইয়াছিল বটে,
কিন্তু রাজকুমারের মন আকৃষ্ট হইয়া তাহাতে যে
রূপ মুগ্ন হইয়াছিল, এমত কাহারও হয় নাই।
তিনি সাগর তটমধ্যে উহাকে কুড়িয়া পাইয়াছি-
লেন একারণ স্নেহবশতঃ তাহাকে কুড়নী বলিয়া
ডাকিতেন। অঙ্গুলীর অগ্রভাগ দ্বারা যতবার
সে মেঘ্যাস্পর্শ করিল ততবারই তীক্ষ্ণ ছুরিকা
যেন তাহাতে বিদ্ধ হইয়া গেল, তথাপি সে নৃত্য
করিতে বিরাম করিল না। রাজকুমার সকলের
কাছে অঙ্গীকার করিলেন আমি যাবজ্জীবন এই
কন্যাকে পরিত্যাগ করিব না, একস্থানে একাসনে

(৫৬)

সর্বদা কালযাপন করিব, আজ্ঞা করিতেছি, অদ্য
রাত্রিকালে যেন ইহার অন্তঃপুরের গদি আমার
দ্বারের সম্মুখভাগে পাতা থাকে।

অধারোহণ করিয়া ঐ যুবতী যেন তাহার সঙ্গে
ভ্রমণ করিতে পারে, এজন্য পুরুষের ন্যায় করিয়া তা-
হাকে বস্ত্র পরিধান করাইয়া ঘোটকারোহণে উভয়েই
সদৃশকায়ুজ্ঞ অরণ্য মধ্য দিয়া যায়, হরিদ্বর্ণ বৃক্ষ শা-
খা সকল তাহাদের স্কন্ধদেশ পর্য্যন্ত স্পর্শ করিল।
শীতল পত্র মধ্যে ক্ষুদ্র পক্ষীর বিবিধ স্বরে গান
করিয়া কেলী করিতেছে; এমত সময়ে তাহারা এ-
কটা পর্বত দেখিতে পাইয়া পাশাপাশি দুই জ-
নেই তাহাতে আরোহণ করিতে লাগিল; যাইতে
যাইতে মৎস্যনারীর কোমল পদ হইতে রক্ত বহি-
র্গত হইতেছে, আর আর সঙ্গীগণ তাহা দেখিতে
পাইলেও সে তাহাতে দুঃখ বোধ করিল না, বরং
তাচ্ছল্য করিয়া হাস্য করিতে লাগিল। পর্বতটা
অতি উচ্চ, রাজকুমারের সঙ্গে সঙ্গে তাহার উপরি-
ভাগ পর্য্যন্ত উহারাইয়া দেখে, দূর দেশে পক্ষীর
উড়িয়া যাইতেছে দেখিলে যেরূপ বোধ হয়, তা-
হাদের অধোভাগেও মেঘ সকল সেই রূপ চলিয়া
যাইতেছে। তথা হইতে প্রত্যাগমন করিয়া যখন
ঐ মৎস্যনারী দেখিল যে রাত্রিকালে রাজবাটীর অ-
ন্যান্য লোক সকলেই নিদ্রাবস্থায় আছে, তখন সে

(৫৭)

বারাণ্ডার অধস্থিত প্রস্তরময় শিল্পীর উপর বসিয়া
শরীরশীতল করিবার আশয়ে আপন উত্তাপিত প-
দদ্বয়কে সমুদ্র জলে ডুবাইল; আর গভীর সমু-
দ্রের অধস্থলের তবৎ বিষয় গুলীন মনে করিয়া
অতিশয় চিন্তায়িত হইল।

একদিন রাত্রিকালে দেখে তাহার ভগিনীরা
পরস্পর হাতে হাতে বন্ধন করতঃ জলের উপ-
রিভাগে উঠিয়াছে, শোকে অতিশয় কাঁতরা, বড়
একটা সাঁতার করিতে পারিতেছে না, আস্তে আস্তে
ভাসিতেছে। অনেক সঙ্কেত করিবারে তাহারা
উহাকে চিনিতে পারিয়া তাহার নিকট পর্য্যন্ত আ-
ইল, এবং তদ্বিরহে তাহারা যেরূপ শোক প্রাপ্ত
হইয়াছিল, সে সকলই তাহাকে জানাইল। এইরূপে
তাহারা প্রতিরাত্রি জলোপরি আসিয়া আপন ভ-
গিনীর সহিত সাক্ষাৎ করে। একবার সে দূর হইতে
আপন বন্ধা পিতামহীকে দেখিতে পাইল, মুকুট
মস্তকে সমুদ্র রাজও তাঁহার সহিত আছেন,
বহুকাল তাহারা সমুদ্র জলের উপরিভাগে উঠেন
নাই, এজন্য তাহার ভগিনীরা যত ভটের নিকটে
আসিয়াছিল, তাহারা তত নিকটে আসিতে না
পারিয়া আপনাদিগের হস্ত গুলীন তাহার প্রতি
বিস্তারিয়া ছিল।

প্রতিদিন সে রাজকুমারের প্রতি প্রেমাধিক্য

জানাইবাত্তে আমরা যেমন প্রাণাধিক আপন
শুগবান পুত্রকে স্নেহ করিয়া থাকি, তিনিও সেই
রূপ বাৎসল্য ভাব প্রকাশ করিয়া তাহাকে পূ-
র্ষাপেক্ষা অধিক ভাল বাসেন, কিন্তু বিবাহ ক-
রিয়া তাহাকে রাজমহিষী করিব, এমন বাসনা তাঁ-
হার মনে এক মুহূর্ত্তে নিমিত্ত হয় নাই; আহা!
রাজপত্নী না হইলে সে অমর আত্মা প্রাপ্ত হইতে
পারিবে না, যে দিনে রাজকুমার অন্য কন্যার
পাণি গ্রহণ করিয়া আপন ধর্ম পত্নী করিবেন,
তৎপর দিবসেই সে সমুদ্র জলে লীন হইয়া একে-
বারে কেনা হইয়া যাইবে।

রাজকুমার তাহার মুখ মণ্ডলে চুম্বন করিয়া
তাহাকে আপন হৃদয়োপরি গ্রহণ করিলেই সে
কটাক্ষ ঈক্ষণ দ্বারা যেন জিজ্ঞাসা করিল, তুমি
আমাকে সর্ষাপেক্ষা অধিক প্রেম কর কি না।
রাজপুত্র বলিলেন, তোমার অন্তঃকরণ সর্ষা-
পেক্ষা সরল এজন্য তোমাকেই আমি সকল হই-
তে অধিক প্রেম করি। আর একটি আশ্চর্য্য
কথা শুন একবার আমি জাহাজে করিয়া সমুদ্র
মধ্যে বেড়াইতে গিয়াছিলাম। দৈবাবধীন জা-
হাজ খানা ঝটিকা দ্বারা জল মধ্যে নিমগ্ন হইয়া
যায়, তরঙ্গোপরি ভাসিতে ভাসিতে আমি একটা
মন্দিরের নিকটে উপস্থিত হইয়াছিলাম, ঐ পুণ্য

ক্ষেত্রে কয়েক জন যুবতী দেবারাধনা করিতেছিল;
উহাদের মধ্যে যে অভ্যঙ্গ বয়স্ক সেই আমাকে
তটোপরি লইয়া আমার জীবন রক্ষা করিয়াছে,
আহা! আর বুঝি তাহাকে আমি কখনই দে-
খিতে পাইব না। কিন্তু তোমার আকার প্রকার
সকলই তাহার ন্যায়, এবং আমার প্রতি তুমি
অতিশয় অনুরক্তা, বল দেখি প্রেমসী! তোমাকে
তাজিয়া আর কি কাহাকেও প্রেম করিতে পারি?
প্রিয়ে! আর একটি কথা শুন, আমি সেই রমণীকে
দুইবার বই দেখি নাই, তোমা ছাড়া এজগতে
যদি আর কাহাকেও প্রেম করিতে হয়, তবে সেই
কন্যাই আমার প্রেমের পাত্রী; কিন্তু তোমার
অবয়ব সর্ষ বিষয়েই তাহার ন্যায়, সেই মুখ, সেই
নাক, সেই চক্ষু, সেই প্রকার হস্ত পদাদি সকলই
তোমার আছে, তুমি আমার হৃদয় ভাঙার হইতে
সেই রূপটি বাহির করিয়া লইয়াছ, সে পবিত্র ম-
ন্দির সম্পর্কীয়া নারী এজন্য ভাগ্য ফলে দেব-
তাগণ বুঝি তোমাকে আমার নিকটে পাঠাইয়া-
ছেন, তুমি আমার সর্ষ ধন তোমাকে কখনই
আমি পরিত্যাগ করিব না।

মৎস্যনারী রাজনন্দন মুখে এতাবৎ বৃত্তান্ত
শ্রবণ করিয়া মনে মনে কহিতে লাগিল, কি দুঃখ,
রাজা জানেন না যে আমি তাহাকে সমুদ্র হইতে উ-

ছার করিয়া তাহার জীবন রক্ষা করিয়াছি, যে পবিত্র মন্দিরের কথা রাজকুমার আমায় কহিতেছেন আমিই তাঁহাকে বহন করিয়া সেই মন্দিরের নিকটে লইয়া যাই; কোন মনুষ্য আসিয়া তাঁহাকে সাহায্য করে কি না, তাহা দেখিবার জন্য আমিই সেই কেনার নীচে বসিয়াছিলাম, যে রূপসী কন্যাকে রাজা আমা অপেক্ষা অধিক প্রেম করেন, আমি তাহাকে দেখিয়াছি; এই চিন্তায় অতিভূতা হইয়া সে হাহাকার করিতে লাগিল, কেন না নিভাস্ত দুঃখিতা ছিল বলিয়া তাহার চক্ষু হইতে অশ্রু পতিত হয় নাই। আপন ভগ্নচিত্তকে সাম্বনা করিবার নিমিত্ত মৎস্যনারী বলিল, “রাজকুমার বলিয়াছেন যে সে রমণী পবিত্র মন্দির সম্পর্কিয়া অন্তঃসে পৃথিবী তলে আর কখন পুনরাগমন করিবে না, আমি কেন তাহার জন্যে এত ভাবিয়া মরি” যদি প্রতিদিন আমি রাজপুত্রের উপর দৃষ্টি রাখিয়া পাশাপাশি দিবা রাত্রি তাঁহার সহিত কাল যাপন করি, তবে ঐ কামিনী পুনরায় আর তাঁহার সাক্ষাৎ পাইবে না। আমি প্রাণপণে রাজনন্দনকে প্রেম করিবার বিশেষ যত্ন করিব, উহার জন্য যদি আমার জীবন পর্যন্ত নষ্ট করিতে হয় তাহাতেও অসম্মতা নাই।

এমন সময় রাজনন্দনের বিবাহ সম্বন্ধোপলক্ষে

তাঁহারা রাজ সভাতে কোন অদূরবর্তী রাজার এক পত্র আনয়ন করিল, রাজকন্যা পরমা সুন্দরী এবং সেই দেশ সম্বিহিত এক বিখ্যাত রাজার কন্যা, অতএব পুত্রবধু বধা যোগ্য হইবে বলিয়া রাজা রাণী আনন্দ সাগরে মগ্ন হইলেন, আর ভাটদিগকে শাল দোশালা স্বর্ণাঙ্গুরী প্রভৃতি পুরস্কার দিয়া কহিলেন, তোমরা এক্ষণে বিদায় হও আমার সম্বন্ধ এক প্রকার স্থির করিলাম, অল্প দিনের মধ্যেই আমার সভা হইতে পাত্র মিত্র গণ যাইয়া রাজকন্যাকে দর্শনী প্রদান করিবেন। রাজকুমার স্বয়ং সেই কন্যা দেখিবার মানসে বিস্তর সমারোহ করিয়া একখান জাহাজে যাত্রা করিলেন, প্লাছে পিতা মাতা তাঁহাকে পান এজন্য লোকদিগকে কহিয়া দিলেন, তোমরা ঘোষণা করিয়া দেও, রাজনন্দন সম্বিহিত অধিকার সকল একবার দেখিতে যাত্রা করিবেন, কিন্তু বাস্তবিক সে সকলই মিথ্যা, রাজকুমারীকে দেখাই তাঁহার প্রধান সংকল্প ছিল। অনেক লোক সঙ্গে যাইতেছে ইহা দেখিয়া মৎস্যনারীও সম্বন্ধ সঞ্চালন করত, ক্রমশঃ হাস্য করিতে লাগিল। কেহই তাহার মত রাজকুমারের মনোগত ভাব বুঝিতে পারিত না। তখন রাজপুত্র কহিতে লাগিলেন, প্রিয়ে! ক্ষান্ত হও, আমার সঙ্গে যাইতে এত উদ্যতা হইও না।

(৬২)

পিতা মাতা আমার বিবাহ জন্য উদ্যোগ করিতেছেন, সে কেমন সুন্দরী কন্যা আমি অদ্যাবধি দেখি নাই, অতএব যতক্ষণ তাহাকে একবার দর্শন করা উচিত হয়; কিন্তু মনেও করিও না, আমি বিবাহ না করিলে তাহার। বঙ্গ-পূর্বক আমার সঙ্গে সেই কন্যার বিবাহ দিবে। যদিও দেয়, তথাপি আমি তাহাকে কোন প্রকারেই প্রেম-করিতে পারি না, বন্দিরে যে যুবতীকে আমি দর্শন করিয়াছিলাম, তুমি সর্ব বিধায়ে তাহারই ন্যায়, কিন্তু সে রাজনন্দিনী তদনুরূপ কখন হইতে পারিবে না। ওলো আমার বোবা কুড়ানী! তুমি মুগচক্ষু দ্বারা মনোগত সকল ভাবই প্রকাশ করিয়া থাক যদি আমাকে বিবাহ করিতে হয়, তবে অতঃপ কালের মধ্যেই আমি তোমাকে বিবাহ করিব। ইহা বলিয়া রাজনন্দন তাহার মুখচুম্বন করিয়া তাহার দীর্ঘকেশে হস্ত বুলাইতে লাগিলেন; প্রেম ভাবে আপন মস্তকটিও তাহার বক্ষস্থলে দিলেন, তাহাতে মানবীয় সুখ এবং অমর আত্মা পাইবার প্রত্যাশায় মৎস্যনারীর হৃদয়কমল একেবারে গুর গুর করিয়া উঠিল।

সমীপবর্তী রাজার অধিকার মধ্যে গমন সময়ে বিস্তর ঘট। পূর্বক জাহাজ খান প্রস্তুত হইলে রাজকুমার মৎস্যনারীকে সম্বোধন করিয়া কহিলেন,

(৬৩)

অরে আমার বোবা প্রিয়ে, তুমি সমুদ্রে যাইতে ভয় কর কি না? শুন প্রিয়ে সমুদ্রে মধ্যে কখন কখন ঝড় উপস্থিত হয়, কখন ইহার জল স্থির ভাবে থাকে, ইহার গভীর স্থানের মধ্যে অত্যাশ্চর্য্য মৎস্য সকল বাস করে, যে ব্যক্তি ইহার জলে ডুবিয়া অধোভাগে গিয়াছে, তত্রস্থিত আশ্চর্য্য বস্তুর বিষয় সেই ভাল জানে; একথা শুনিয়া মৎস্যনারী অঙ্গ অঙ্গ হাস্য করিতে লাগিল, কেননা সমুদ্রের অধস্থিত বস্তু সকলের বিষয় সে যেমন জানে, আর কেহই ভেমন জানে না।

রাজিকালে শূন্যমার্গে শশধর উদ্ভিত হইয়া ছিলেন, জ্যোৎস্নার চারিদিক দেদীপ্যমান, জাহাজস্থিত তাবল্লোকেই নিদ্রিত, কেবল মাজি হাইলটি ধরিয়া জাগ্রত ছিল, এমত সময়ে সে জাহাজের চাঁদনীর উপর উপবেশন করিয়া নির্মল জলের মধ্যদিয়া দেখিতে দেখিতে তাহার অন্ততব হইল, ঐ বুঝি পিতা মহাশয়ের অটালিকা হইবে, যে ত্রীলোকের মস্তকোপরি রোপ্য মুকুট দেখিতেছি, তিনিই বুঝি আমার বৃদ্ধা পিতামহী, রাজবার্তার উপরিভাগে দণ্ডায়মানা হইয়া মনঃ সংযোগ করত, ঐ জাহাজ খানার প্রতি দৃষ্টি করিতেছেন, ক্ষণকাল বিলম্বে সে দেখিতে পাইল, যে তগিনীরাও সমুদ্রে জলের উপরিভাগে উঠিয়া এক

(৬৪)

দৃষ্টে তাহার প্রতি নিরীক্ষণ করিতেছে, শোকেতে তাহার অতিশয় ব্যাকুলা হইয়া আপনাদিগের শুভবর্ণ হস্ত সকলকে মোড়া লাগাইতেছে। সে সঙ্কেত দ্বারা হাস্য বদনে তাহাদিগকে জানাইবার উদ্যোগ করিল আমি এখানে পরমমুখে উত্তমাবস্থায় আছি! এমত সময়ে জাহাজস্থিত একজন নাবিক আসিয়া পড়াতে তাহার তরঙ্গের অধোভাগে নিমগ্ন হইয়া গেল, নাবিক মনে মনে স্থির করিল যে শ্বেতবর্ণ অবয়ব সকল আমি চক্ষে দেখিয়াছি বুঝি তাহা কেবল জলের ফেনাই হইবে।

পরদিন প্রাতঃকালে জাহাজস্থান সেই মহাপরাজাস্ত্র প্রতাপশালী রাজা মহাশয়ের মুশোভন রাজধানীর বন্দরে আসিয়া লাগিল। বিদেশীয় রাজার জাহাজ আসিয়া বন্দরে লাগিলে দামামার শব্দ ও ঘন্টার ধ্বনি হয়, সিপাহীরাও নানা বর্ণের পরিচ্ছদ এবং মস্তকে টুপী পরিয়া বিদেশীয় রাজার সম্বর্জন করিতে আইসে। রাজকুমারের আগমনে সম্মিহিত রাজা মহাশয় অনেক ঘটাতে এ সকল বিষয় সমাধা করিলেন, প্রতি দিন মৃতন মৃতন মুখ সেব্য খাদ্য সামগ্রী পাঠাইয়া দেন, রাজধানীতে আফ্লাদের আর পরিসীমা নাই, কোন স্থানে নর্তকীরা নানা প্রকার অঙ্গ ভঙ্গি দ্বারা সুচারুরূপে নৃত্য করিয়া দর্শকদিগের মনো-

(৬৫)

রঞ্জন করিতেছে, কোন স্থানে গায়কেরা নানাবিধ রাগ রাগিনী এবং যুচ্ছনাদি দ্বারা স্বর শক্তি প্রকাশ করিয়া রাজ্যস্থিত তাবলোককেই হর্ষ প্রদান করিতেছে, প্রধান প্রধান আমীর লোকদিগের সহিত মহারাজ রাজনন্দনকে মহোৎসবে বিবিধ খাদ্য সামগ্রী আয়োজন করিয়া নিত্য নিত্য মৃতন মৃতন ভোজ্য প্রদান করেন। কিন্তু লোক মুখে রাজকুমার শুনিয়াছিলেন, যে রাজকন্যা এখানে নাই, এই স্থানের অনতিদূরে একটা পবিত্র মন্দির আছে, যে যে রাজকন্যা সেখানে গিয়া বিদ্যাভ্যাস করে, তাহার রাণীর উপযুক্ত তাবৎ গুণেই ভূষিতা হইয়া থাকে, একারণ এতদেশীয় রাজা সেই স্থানেই আপন কন্যা প্রেরণ করিয়াছেন, অত্যাঁপ দিনের মধ্যে তিনি রাজত্ববনে আসিবেন। সভামধ্যে বুসিয়া রাজকুমার এই সকল কথা মনে মনে আন্দোলন করিতে ছিলেন; ইতি মধ্যে প্রহরীগণ করযোড়ে রাজার সম্মুখে দণ্ডায়মান হইয়া কহিল, মহারাজ! সর্ক বিদ্যায় পারদর্শিনী হইয়া আপনার কন্যা বাচীতে আসিয়াছেন।

সন্ধ্যার সময়ে রাজনন্দন আপন সহচরীকে সঙ্গে লইয়া রাজতনয়াকে দেখিবার নিমিত্ত রাজার অন্তঃপুরে গমন করিলেন, মৎস্যনারী তাহার রূপ লাভ্য দর্শন করিয়া অত্যশ্চর্য হইল,

(৬৬)

এবং মনেই আপনিই স্বীকার করিল, এমন প্রিয় বদন মণ্ডল আমি কখন দর্শন করি নাই। আহা! রাজকন্যার সমুদায় শরীরটাই কোমল, কিবা গৌরাজী! বিধাতা বুঝি গোপনে বসিয়া তাঁহার মুখমণ্ডল নির্মাণ করিয়াছেন, চক্ষুছটি কেমন মনোহর; ঙ্গ এবং পক্ষ্মগুলীন কি রূপ কৃষ্ণবর্ণ তন্নিমিত্তে বড় বড় চক্ষুদ্বয় থাকতে মরি মরি কিশোভাই বা হইয়াছে, বোধ হয় ইনি কটাক্ষবাণেশুনি ঋষির মন হরণ করিতে পারেন। রাজকুমার ঐ যুবতী রমণীকে সম্বোধন করিয়া কহিতে লাগিলেন; আমি যখন সাগর তটে নির্জীব হইয়া মৃতবৎ পড়িয়াছিলাম; বোধ হয় তখন তুমিই আমার প্রাণরক্ষা করিয়াছ। তোমার তিন অন্য কেহই এমন কর্ম করিতে পারিবে না, ইহা বলিয়া ঐ লজ্জাশীলা কন্যাকে আপন ক্রোড়ে তুলিয়া লইলেন। আর অপব্যয়স্কা মৎস্যনারীকে সম্বোধন করিয়া কহিতে লাগিলেন, প্রিয়ে অদ্য আমি বিপুলানন্দে মগ্ন হইয়াছি, যাহাকে আমি এত দিন স্বপ্নে দর্শন করিতাম, ভাগ্যবশতঃ বুঝি বিধি আজ তাহাকে মিলাইয়া দিলেন। তুমি, আমার মুখে সুখী এবং আমার হৃৎকেন্দ্রে সুখী, সর্বাঙ্গঃকরণের সহিত আমার মঙ্গল প্রার্থনা কর, অতএব এ শুভদিনের মুখে তুমি অবশ্যই সুখী

(৬৭)

হইবে। এই কথাতে মৎস্যনারী তাঁহার হস্ত ছুঁইয়া দিল, কিন্তু তাহার প্রাণে কিছু সুখ নাই, মনোহুঃখে বক্ষঃস্থলটা ফাটিয়া যাইতেছে, যে রাত্রিতে রাজকুমার বিবাহ করিবেন, তৎপর দিন প্রাতঃকালে তাহাকে কালগ্রামে পুতিত হইয়া সমুদ্রে ফেনায় লীনা হইতে হইবে।

এ দিকে রাজকন্যার বিবাহোপলক্ষে রাজধানীর স্থানে স্থানে বাদ্য বাজিতে লাগিল। পত্রবাহক ভাটেরা আসিয়া সর্কত্র ঘোষণা করিয়া দিল, অমুক দিনে অমুক সময়ে রাজনন্দিনীর শুভ বিবাহ হইবে, বরপাত্র রাজবাটীতে শুভাগমন করিয়াছেন, অতএব হে রাজ্যস্থ লোক সকল মহারাজ কন্যাকে পাত্রস্থা করণ কালীন আপনাদিগকে আহ্বান করিয়াছেন, পত্র দ্বারা নিমন্ত্রণ করিলাম। মহারাজ যৌতুক স্বরূপ রাজকুমারকে কত ধন দিলেন, বাইল্য ভয়ে তাহা লিখিতে পারিলাম না। রূপার প্রদীপে তৈল জ্বালাইয়া কুল পুরোহিত মহাশয় মন্ত্র পাঠ পূর্বক বর কন্যার হস্তে হস্ত সংমিলিত করাইয়া দিলেন। মৎস্যনারী স্বর্ণভরণ এবং বেশমী বস্ত্র পরিধান করিয়া নবোঢ়ার রক্ত বস্ত্রের অঞ্চলটি ধরিয়া চলিল; কিন্তু বাদ্যের শব্দ তাহার কর্ণকুহরে প্রবেশ করিল না, বিবাহের যে এত ঘটনা চক্ষুরম্মীলন করিয়া তাহাও সে দৃষ্টি করিল

(৬৮)

মা। পরদিন প্রাতঃকালে তাকে কুতাম্বের করালপ্রাসে পতিতা হইতে হইবে, যাহার জন্য সে এজগতের তাবৎ মুখেই জলাঞ্জলি দিয়াছে, তাহাকেও এবার জন্মের মত পরিভ্যাগ করিতে হয়, এই চিন্তায় একেবারে সে অধীরা হইয়া পড়িল, আর বিবাহ দেখিবে কি? রাত্রি এক প্রহর হইলে বর কন্যা উভয়েই সেই জাহাজের তিতরে গেলেন, তাপের শব্দে কাণ পাতা যায় না, বিবিধ বর্ণের নিশান আনাইয়া জাহাজে তুলিয়া দিল, জাহাজের চাঁদনীর উপর একটা সোণার হলকরা তাম্বু খাটাইয়া তন্মধ্যে অতি সুন্দর একটি গদি পাতিয়া রাখিল, যেন বর কন্যা আসিয়া তাহারই উপর উপবেশন করেন।

পরে সুবাস্তাস পাইয়া নাবিকেরা পাইল তুলিয়া দিলে জাহাজখান স্থির সমুদ্রে বারি মধ্যে আস্তে আস্তে চলিল। বিবিধ বর্ণের ঝাড় এবং লগুন সকল টাঙ্গাইয়া জাহাজস্থিত মল্লা সমূহ নৃত্য করিতেছে, তাহা দেখিয়া মৎস্যনারীর স্মৃতি হইল, প্রথমে যখন পৃথিবীমধ্যে আগমন করিয়াছিলাম, তখন এই রূপ সমারোহ এবং মহোৎসব আমি জাহাজমধ্যে দেখিয়াছি; আহা যদি মরিতেই হইল তবে এ-

(৬৯)

কবার মনের সাথে নৃত্য করিয়া দর্শকদিগের মনোরঞ্জন করি। এই ভাবিয়া সে নৃত্য দ্বারা সকলেরই মন হরণ করিল, উপস্থিত ব্যক্তিদিগের আত্মাদের আর পরিসীমা নাই, সকলেই এক বাক্য হইয়া স্বীকার করিল, আমরা এমন মনোহর নৃত্য পূর্বে কখন দর্শন করি নাই। তীক্ষ্ণ ছুরিকা পদে ফুটিলে ঘেরূপ ব্যথা হয়, তাহার কোমল পদেও সেরূপ বেদনা হইয়াছিল, কিন্তু সে ঐ যাতনাকে যাতনা বোধ করিল না, মনের যাতনাই বড় যাতনা, তাহা তীক্ষ্ণ ছুরিকা হইতেও অধিক ক্লেশকর হয়। সে মনে মনে নিশ্চয় জানিত যাহার জন্য জাতি, কুটুম্ব, গ্রহ প্রভৃতি সকলই পরিভ্যাগ করিয়াছি, যাহার জন্য আমার মধুর স্বরটি জন্মের মত গিয়াছে, যাহার জন্য প্রতিদিন এমন অসহ্য যন্ত্রণা ভোগ করিতেছি, যিনি আমার হৃদয়ের ধন হইয়াও এ সকল বিষয়ের কিছুই জানেন না, রজনী প্রভাতে আর আমি তাহাকে দেখিতে পাইব না। তাঁহার সঙ্গে সহবাস করিয়া যে বায়ু আমি নিশ্বাস প্রশ্বাস দ্বারা ধারণ করিতেছি, যে সমুদ্রের প্রতি আমি সর্বদা অবলোকন করি, যে নক্ষত্র আকাশে দেখিলে আমি অতিশয় পুলকিত হই, রজনীর শেষে সে সকলেরই শেষ হইবে। এই রূপ চিন্তায় দুঃখিনী

বাল। মনে মনে কতই শোক করিতেছে, যথা এ-
রাত্রি আমার পক্ষে কালরাত্রি স্বরূপ, আমার আত্মা
নাই যে পুনর্জীবন প্রাপ্ত হইবার কোন ভরসা আ-
ছে, এবং পরমাত্মা পাইবারও কোন আশা নাই,
অতএব আমার জন্য বুঝি অনন্তকাল রাত্রি অপে-
ক্ষা করিয়া রহিয়াছে। ক্রমে ক্রমে রজনী ঘোরা হ-
ইয়া দুই প্রহর পর্য্যন্ত হইল, তখনও জাহাজস্থিত
লোক সকলে আমোদ প্রমোদ করিতেছে, মৎস্য-
নারী মৃত্যু চিন্তাতে ব্যাকুলা থাকিয়াও মনে মনে
ইচ্ছা করিল, আর কিছুকাল এই রূপ হাস্য এবং
নৃত্য করিয়া রাত্রি যাপন করি, কিন্তু রাজকুমার
আপন প্রাণেশ্বরী সেই নুবোটা বালার মুখ চুম্ব-
ন করিলে তিনিও অঙ্গ ভঙ্গিতে তাঁহার কন্দ-
র্ধানল জাগরুক করিয়াছিলেন এবং পরস্পর হাত
ধরিয়া তাম্বুর অধোভাগে যে অপূর্ণ শয্যা প্রস্তুত
হইয়াছিল তাহাতে শয়ন করিতে গেলেন।

জাহাজস্থিত তাবলোককেই নিদ্রিত, প্রাণিমা-
ত্রেরও শব্দ শুন্য যায় না। কেবল অর্গবমান সোজা
পথে যাইবে কিনা এজন্য প্রধান মাজি হাইল
ধরিয়া দণ্ডায়মান ছিল, মৎস্যনারী ইহার এক
ধারে হেলানদিয়া পূর্ষদিকের প্রতি নিরীক্ষণ করি-
তে লাগিল, কতক্ষণে উহা রক্তিমবর্ণ হইয়া রাত্রি
প্রভাত করিবে। কেন না সে জানিত দিবাকরের

প্রথম দীপ্তি: আমাদের জীবন দীপ্তি একেবারে বিনাশ
করিবে। কিয়ৎক্ষণপরে সে দেখিতে পাইল যে তা-
হার ভগিনীরা তরঙ্গ হইতে বহির্গত হইয়া জলো-
পরি ভাসমান হইয়াছে। আপনি ভাবিয়া ভাবি
য়া যেরূপ পাংশুবর্ণ হইয়াছে, তাহাদিগকেও
সেইরূপ পাংশুবর্ণ দেখিল, তাহাদের মস্তক স্থি-
ত যে দীর্ঘ কেশ সকল বায়ুতরে প্রবাহিত হইত
আর তাহা দেখিতে পাওয়া যায় না, সকলই কাটা
গিয়াছে।

তাহারা বলিল, ভগিনী! তুমি আমাদের মস্ত-
কের প্রতি দৃষ্টি কর কি অদ্যরাত্রি তুমি যেন নি-
দারুণ মৃত্যুর হস্তে পতিত না হও, এই সাহায্য
পাইবার জন্য আমরা ডাকিনীকে তাহা দিয়াছি,
এই দেখ তৎপরিবর্তে ডাকিনী আমাদের এক
খান ভীক্ষু ছুরিকা দিয়াছেন। সম্প্রতি ভগিনী!
আমরা যে কথা বলি তাহা মনদিয়া শুন, সূর্যো-
দয় হইবার পূর্বে এই ছুরিকা হস্তে লইয়া রাজকু-
মারের হৃদয় কমল বিদীর্ণ করিয়া ফেল, তাহার
উষ্ণরক্ত তোমার চরণে ছিটিয়া লাগিলেই তাহা
সংবোজিত হইয়া পূর্ষবৎ তোমার মৎস্যনাঙ্গুল
হইবে, তাহা হইলেই তুমি পুনর্বার মৎস্যনারী
হইয়া আমাদের নিকট আসিতে পারিবে, এবং
অচেতন লবণ সমুদ্রের ফেনা হইবার পূর্বে আর

ভিন্ন শত বৎসর আমাদের সঙ্গে মুখে কাল বা-
পন করিবে। অপর দীর্ঘ নিঃশ্বাস ছাড়িয়া তাহা-
রা বলিতে লাগিল, ভগিনী! অধিকক্ষণ বিলম্ব ক-
রিবার আবশ্যিক নাই, শীঘ্র যাও, শীঘ্র যাও, সূ-
র্য্যোদয় হইবার পূর্বে তুমিই হউক, নাহয় রাজপু-
ত্রই হউক, দুইজনের একজনকে অবশ্য মরিতে
হইবে। দেখ তোমার জন্য ডাকিনী আমাদের সু-
ন্দর কেশগুলীন ঘেরুপ কাঁচি দ্বারা কাটিয়া লই-
য়াছে, রুদ্ধা পিতামহীরও ঐ দশা, তিনি তোমার
নিমিত্তে ভাবিয়া একেবারে জীর্ণা এবং শীর্ণা হ-
ইয়া পড়াতে তাঁহার মাথার পুরুকেশ সকল উঠিয়া
গিয়াছে। অধিক কথায় আবশ্যিক নাই, দেখ
ভগিনী! আকাশ মণ্ডলে রক্তিমবর্ণের রেখা গুলীন
দৃশ্য হইতেছে, আর বিলম্ব করিও না, শীঘ্র যাও
শীঘ্র যাও, অভ্যঙ্গের মধ্যে সূর্য্যোদয় হইবে,
তাহা হইলে আর তুমি প্রাণে বাঁচিবে না, যমরাজ
একেবারে তোমায় গ্রাস করিয়া ফেলিবেন। এই
কথা বলিতে বলিতে তাহার পূর্ববৎ দীর্ঘ নিঃশ্বাস
পরিত্যাগ করিয়া তরঙ্গের অধোভাগে নিমগ্ন হ-
ইয়া গেল।

মৎস্যনারী তাম্বুস্থিত লোহিত বর্ণের মশারি
তুলিয়া দেখে, নবোচা রাজকন্যা আপন মস্তকটি
রাজকুমারের বক্ষঃস্থলে রাখিয়া মুখে নিদ্রা যাই-

তেছেন, জন্মের মত নত হইয়া তাঁহার পরম সুন্দ-
র ললাটে চুম্বন করিল, আকাশমণ্ডলের প্রতি
নেত্রপাত করিয়া দেখে, প্রভাত, সুন্দরী গোলাপী
রঙ্গে আবৃত হইয়া গমন করিতেছেন, কিয়ৎক্ষণ
তীক্ষ্ণ ছুরিকাকে নিরীক্ষণ করিতে লাগিল, পুন-
র্বার রাজকুমারকে অবলোকন করিয়া শুনিতে
পাইল, তিনি নব বিবাহিতা কন্যার ভাবে মুগ্ধ
হইয়া স্বপ্ন কালেও তাহার নাম ধরিয়া ডাকি-
তেছেন, একবার আপন স্বভাব প্রাপ্ত হইয়া ছুরি
খানা ছুট করিয়া ধরিল, কিন্তু বাহার মঙ্গল সর্বা-
স্তঃকরণের সহিত চিরকাল প্রার্থনা করিয়াছে, তা-
হার হৃদয় কমল কিরূপে সে ছুরিকা দ্বারা বিদ্ধ
করিতে পারে, এজন্য পরক্ষণেই তাহা সমুদ্রে ত-
রঙ্গে টান মারিয়া নিঃক্ষেপ করিল। জল মধ্যে
ফোঁটা ফোঁটা রক্ত পড়িলে ঘেরুপ শব্দ এবং দৃশ্য
হইয়া থাকে, ছুরিখানা যেখানে পড়িল সেখানে
সেইরূপ রক্তবর্ণের আভা প্রকাশ করিল। মরি-
বার সময় যেমন মানুষে বিকট মূর্তিতে শেষ চাউ-
নি চাইয়া মরে, ঐ নারীও রাজনন্দনের প্রতি মুহূ-
র্ত্তেক সেইরূপ নিরীক্ষণ করিয়া এককালে জাহাজ
হইতে সমুদ্রের জলে ঝাঁপিয়া পড়িল, এবং ক্ষণ-
মাত্রে তাহার বোধ হইল দেহটা ক্রমে সমুদ্রে ফে-
নায় লীন হইয়া যাইতেছে।

তখন সময়ের পূর্বদিকে সূর্য্যদেব স্পষ্টরূপে উদ্ভিত হইলেন, উহার উষ্ণ প্রভা সেই শীতল ফেনায় লাগিবাতে মৎস্যনারীকে যত্নে যত্নে কি-ছুই সহ করিতে হইল না। পরমসুন্দর দিবাকর-কেও সে চক্ষে দেখিতে পাইল, উর্দ্ধ দৃষ্টি করিবা-মাত্র দেখিল যে উপরিভাগে শত শত স্বচ্ছকায় সূক্ষ্ম জীবগণ অবস্থিত করিতেছে, তখনও রাজ-নন্দনের জাহাজস্থ শুভ্রবর্ণ পাইল গুলান তাহার দৃষ্টির অগোচর হয় নাই, এবং ঐ অসংখ্য মনো-হর সূক্ষ্ম জীবদিগের মধ্যদিয়াও সে রক্তিমবর্ণের মেঘ সকলকে দেখিল। তাহাদের ভাষা অতি সুমিষ্ট কিন্তু বায়ুবৎ হওয়াতে মনুষ্যজাতি তাহা কর্ণে শুনিতে পায় না, তাহাদের অবয়ব গুলীন মানবদিগের দর্শনাতীত হয়, কোন ব্যক্তিই তা-হাদিগকে চক্ষে দেখিতে পায় না। গাথা না থাকিলেও অতি লঘুকায় প্রযুক্ত তাহারা শূন্য মার্গে অনায়াসে অবস্থিত করে। মৎস্যনারী ও সেরূপ শরীর প্রাপ্ত হইয়া ক্রমে ক্রমে ফেনা হইয়া উর্দ্ধে উঠিতে লাগিল। কিয়দূরে উঠিত হইয়া সে উচ্চঃস্বরে কহিল আমি এক্ষণে কোথায় আসিতেছি, তাহার সঙ্গী দিগের স্বর সেরূপ নির্মল এবং সূক্ষ্ম তাহার স্বরও সেই রূপ সূক্ষ্ম এবং নির্মল ছিল, পৃথিবীস্থ কোন

বাদাই ততুল্য উত্তম ভাবের মাধুর্য্য উপলব্ধি করাইতে পারে না।

তাহারা প্রত্যুত্তর প্রদান করিল, ওগো ম-ৎস্যনারী! ভাবনা করিওনা, সম্পূর্ণ ভূমি গগন কন্যাদিগের নিকটে আসিয়াছ, তোমাদের মধ্যে কোন স্ত্রীরই অমর আত্মা নাই, সর্কাস্তঃকরণের সহিত কোন মনুষ্য তোমাদিগকে আত্মাত্মিক প্রেম না করিলে তোমরা কোনমতেই অমর আত্মা পাইতে পার না। পরের হস্তে তোমাদের অ-নন্ত মঙ্গল, তাহার ইচ্ছাতে তোমরা প্রাপ্ত হও, অনিচ্ছাতে হারাও। কিন্তু গগন কন্যাদের স্বভাবতঃ অমর আত্মা না থাকিলেও সংকর্ষ দ্বারা তাহা প্রাপ্ত হইতে পারে। উষ্ণ দেশে যে উত্তাপিত আকাশ বায়ু মহামারী দ্বারা মনুষ্য জাতির সম্ভানদিগের প্রাণ সংহার করে, আমরা সেই দেশে যাই, এবং নানাবিধ পুষ্প সৌরভ দ্বারা তথাকার নাশক বায়ুকে সঞ্চালিত করাই-য়া তৎপরিবর্তে জীবন বায়ু বিস্তারিত করি, তা-হাতেই মারীভয়ের করালগ্রাস হইতে সকল প্রা-ণীই বিমুক্ত হয়। যদ্যপি তিন শত বৎসর পর্য্যন্ত এই রূপ চেষ্টা করিয়া সাধ্যানুসারে মনুষ্যদিগের হিতাবেষণ করি, তবেই আমরা অমর আত্মা প্রাপ্ত হইয়া মানব জাতি সম্পর্কীয় অনন্ত সুখের

অংশী হইতে পারিব। ওগো অবলা মৎস্যনারী! তুমিও আমাদের ন্যায় সর্কাস্তঃকরণের সহিত মনুষ্যের হিত চেষ্টা করিয়াছ। আহা! কত দুঃখ সহিয়াছ তাহা বলিতে পারা যায় না, তথাপি ভৌতিক দেহ প্রাপ্ত হইয়া তোমার আত্মাকে শূন্যে থাকিতে হইল, স্তম্ভ নাই ভয় নাই, তিন শত বৎসর গত হইলে তুমি অমর আত্মা পাইবে।

তখন মৎস্যনারী আপনার সুনির্মল চক্ষু দুটি স্বর্ষ্যের প্রতি ফিরাইল, বাহাতে তাহা প্রথমতঃ অশ্রু পূর্ণা হয়। জন্মাবধি এতকাল পর্যন্ত কখনই ঐ চক্ষুদ্বয়ে অশ্রু পতন হয় নাই, এজন্য পূর্বে কতবার সে দীর্ঘনিঃশ্বাস পরিত্যাগ করিয়া হাহাকার শব্দ করিয়াছে। কিয়ৎক্ষণ পরে রাজকুমারের জাহাজের প্রতি নেত্রপাত করিয়া দেখে, তিনিও তাঁহার পরম রূপসী ভার্যা। উভয়েই মুক্তাবৎ ফেনার প্রতি নিরীক্ষণ করিয়া তাহাকে অব্বেষণ করিয়া বেড়াইতেছেন, শোকে অতিশয় কাতর, মনে মনে যেনস্থির করিয়াছেন বুঝি কন্যা মনের বিষাদে জলে ঝাঁপ দিলেন। রাজকুমারের এই অবস্থা দেখিয়া হুঃখিত মনে সে তাঁহার নিকটে গিয়া তাঁহাকে পাখাব্যজন করিতে লাগিল, এবং প্রণাধিকা তৎপত্নীরও মুখ চুষন ককিল, কিন্তু হুই জনের একজনও তাহাকে দেখিতে পাইল না,

পরে আর আর গগন কন্যাদের সহিত শূন্যমার্গে উঠিয়া আকাশমণ্ডলে গোলাপী রঙ্গের যে মেঘ যাইতেছিল, তাহাতেই চলিয়া গেল।

অপর সে আত্মাদিত হইয়া প্রফুল্লবদনে বলিতে লাগিল, তিন শত বৎসর গত হইলেই আমরা আস্তে আস্তে স্বর্গ রাজ্যে গমন করিতে পারিব। গগন কন্যাদের মধ্যে এক জন কহিল, এতকালও বিলম্ব হইবে না, তদপেক্ষা অপকালের মধ্যেই আমরা স্বর্গ রাজ্যে পৌঁছিব। শুন গো মৎস্যনারী! যদি কোন বাটিতে কাহারও সৎপুত্র থাকে, সর্ক বিধায়ে পিতামাতার আনন্দজনক এবং প্রেমের যোগ্য হয়, আর আমরাও যদি অদৃশ্য ভাবে সেই বাটিতে প্রবেশ করিতে পারি, তাহা হইলে সর্কশক্তিমান পরমেশ্বর যতদিন আমরা সেই প্রকার বাটিতে যাইব ততদিন আমাদের পরীক্ষা কালকে স্থান করিয়া দিবেন। আমরা হুই হইতে নির্গত কালীন সেই সুস্থানকে দেখিয়াছি বলিয়া বড়ই আত্মাদিত হই, কিন্তু বালক তাহা অত্যাশ্রয় অনুভব করে, প্রায় কিছুমাত্র জানে না। তবেই যে তিন শত বৎসর আমাদের শূন্যমার্গে বাস করিতে হইবে, তাহার এক এক বৎসর স্থান হইয়া যাইবে। যদি কোন অসত্য হুই বালককে দেখে, তবেই আমাদের চক্ষু হইতে অশ্রুপাত

(৭৮)

হয়। যত ফোঁটা শোকাগ্র আমাদের নেত্র হইতে পড়িবে, ততবার ঈশ্বর এক এক দিন করিয়া আমাদের স্বামিত্ব কালকে বৃদ্ধি করিয়া দিবেন।

সমাপ্ত।

BENGALI FAMILY LIBRARY.

গার্হস্থ্য বাঙলা পুস্তক সঙ্গ্রহ।

বিজ্ঞাপন।

১৮৫৭ খ্রি অদ

১ম। বঙ্গভাবানুবাদক সমাজ কর্তৃক প্রকটীকৃত নিম্ন লিখিত পুস্তক সকল, গরাণহাটীর চৌ-রাস্তাস্থিত ২৭৬।১ সঙ্খ্যক, সমাজের পুস্তকাগারে, সিমুলিয়ার অন্তঃপাতি মাণিকতলা ফ্লীট নং ৪৬। ৪৭ সহকারি সম্পাদকের বাটীতে, স্কুলবুক সোসাইটি, রোজারু কোম্পানি এবং কলিকাতাস্থ অপর সকল পুস্তক বিক্রেতাদিগের নিকট বিক্রয়ার্থ প্রস্তুত আছে। যাহার প্রয়োজন হয় তত্ত্ব করিয়া লইবেন।

পৃষ্ঠ মূল্য

রবিনসন ক্রীশোর ভ্রমণ বৃত্তান্ত, বার খানি
চিত্রযুক্ত ৩২৬ ১০।
পালএবং বর্জিনিয়ার জীবন বৃত্তান্ত চিত্রযুক্ত ২৫৫ ১০।

	পৃষ্ঠ	মূল্য
সংবাদসার, চারিখানি চিত্রযুক্ত	১৯৮	১০
লার্ডক্লাইব চরিত্র, সাতখানি চিত্রযুক্ত	৭৫	১০
সেকসপিয়ার কৃত গল্প	২১২	১০
মনোরম্য পাঠ	১১৪	১০
রাজা প্রতাপাদিত্যের চরিত্র	৬৩	১০
বহৎ কথা	১০৯	১০
হংসরূপী রাজপুত্রদিগের বিষয়, একচিত্রযুক্ত	৫৪	১৫
গঙ্গার খালের বৃত্তান্ত দুই খানি চিত্রযুক্ত	৪৪	১০
পুল্লেশোকাতুরা দুঃখিনীমাতা, একচিত্রযুক্ত	১৪	১৫
ছোট টকলাস এবং বড় টকলাস	২৫	১০
চক্ৰবর্তী ও অপূর্বরাজবস্ত্র, একচিত্রযুক্ত	৩০	১০
মংস্যানারী এক চিত্রযুক্ত	৭৮	১৫
২য়। এই সকল পুস্তক মুদ্রিত করণে যাহাঁ ব্যয় হইয়াছে, বঙ্গভাষানুবাদক সমাজ সাধারণের উপকারার্থে তদপেক্ষাও স্থানমূল্যনির্দ্ধারিত কারয়াছেন।		
৩য়। নিম্ন লিখিত অপর পুস্তক সকল সমাজের পুস্তকাগারে বিক্রয় হইতেছে।		
স্কুলবুক সোসাইটী কর্তৃক প্রকটীকৃত। মূল্য		
* মত্য় ইতিহাস সার	৫০	
* অভিধান	৫০	
* সার সংগ্রহ	১০	
* পঞ্চাবলি	১০	
* ভূমি পরিমাণ বিদ্যা	৫০	

	মূল্য
* বিষ্ণু শর্ম্মার হিতোপদেশ	১০
* বঙ্গদেশের ইতিহাস	৫০
* কীথ সাহেবের ব্যাকরণ	১০
* রামমোহন রায়ের ব্যাকরণ	১০
* ব্রজকিশোর গুপ্তের ব্যাকরণ	১০
* উমাচরণ চট্টোপাধ্যায়ের গণিতসার	১০
* হারন সাহেবের গণিতসার	১০
* মে সাহেবের অঙ্ক পুস্তক	১০
* বঙ্গভাষা বর্ণমালা	১০
* বর্ণমালা প্রথম ভাগ	১০
* ঐ দ্বিতীয় ভাগ	১০
* জ্ঞান দীপিকা	১০
* নীতি কথা প্রথম ভাগ	১০
* ঐ দ্বিতীয় ভাগ	১০
* ঐ তৃতীয় ভাগ	১৫
* মনোরঞ্জন ইতিহাস	১০
* পত্র কোমুদী	১০
* অমৃত ইতিহাস, জঙ্গিস্ খাঁর বৃত্তান্ত	১০
* সিকন্দর সাহার দিগ্বিজয়	১০
* তৈমুরলং বৃত্তান্ত	১০
* স্ত্রী শিক্ষা বিধায়ক	১০
* শিশু পালন	১০
* গোপাল কামিনী	১০

	।°	মূল্য
সংবা		
নার্ভর	* সত্য চন্দ্রোদয় ..	১।°
সেকসা	* ভূমণ্ডলের মানচিত্র	৬
মনোর	* ভারতবর্ষের ঐ	৪
রাজা	* বিবিধার্থ সংগ্রহ প্রত্যেক খণ্ড ..	১।°
বহৎ ক	* ঐ বার্ষিক অগ্রিম মূল্য ..	২
হংসরূপ	* মনোহর উপন্যাস ..	১।°
গঙ্গার	* দশকুমার ..	১
পুল্লশো		
ছোট্ট		
চকমকিন		
মংসানাঃ		
• ২ য়।		
হইয়াছে,		
কারার্থে		
৩ য়।		
পুস্তকাগা		
স্কুলঃ		
* সত্য ইতি		
* অভিধান		
* সার সংঃ		
* পঞ্চাবলি		
* ভূমি পরি		